

四庫全書

史部

欽定四庫全書

通志卷五十五

宋 右廸功郎鄭樵漁仲撰

職官略第五

武官第八上

將軍總叙

左右衛

併親衛
官屬附

左右驍衛

左右武

衛 左右威衛

左右領軍衛

左右金吾衛

左右監門衛

左右千牛衛

左右羽林軍

左

右龍虎軍

左右神
虎軍附

將軍總叙

三代之制天子六軍其將皆命卿故夏書曰大戰于甘
乃召六卿蓋古之天子寄軍政於六卿居則以田警則
以戰所謂入使治之出使長之之義其職在國則以比
長閭胥族師黨正州長鄉大夫為稱在軍則以卒伍司
馬將軍為號所以異軍國之名諸侯之制大國三軍次
國二軍小國一軍其將亦命卿也晉獻公初作二軍公

將上軍未有其號魏獻子衛文子始有將軍稱

左傳曰晉閻沒

女寬謂魏子曰豈將軍食之而有不足注曰獻子為將軍率故謂之將軍又禮記曰將軍文子之喪

自戰

國置大將軍周末又置前後左右將軍秦因之位上卿

金印紫綬漢興置大將軍驃騎將軍位次丞相車騎將

軍衛將軍左右前後將軍皆金印紫綬位次上卿

後漢志曰

漢將軍比公者四謂大將軍驃騎車騎衛將軍

掌京師兵衛四夷屯警孝武征

閩越東甌又有伏波樓船及伐朝鮮大宛復置橫海度

遼貳師宣帝增以蒲類破羌權時之制若此非一亦不

常設光武中興諸將軍皆稱大及天下已定武官悉省
四征興於漢代四安四平起於魏初後漢有三鎮之稱
魏有鎮北之號晉武帝重兵官故軍校多選朝廷清重
之士居之置中軍將軍以統宿衛七軍及五王作難東
海王越以頃興事皆由殿省乃奏宿衛有侯爵者皆罷
之時殿中武官並封侯由是出者略盡皆涕泣而去乃
以東海國官領左右衛以國兵宿衛晉宋以來以領軍
護軍左右二衛驍騎游擊將軍謂之六軍

宋輿服志曰
驃騎車騎衛

將軍及諸將軍加大者皆金章紫綬武冠
佩水蒼玉諸軍司馬銀章青綬朝服武冠 其四安四平

左右前後征虜等將軍及四中郎將晉代荀羨王胡之
並居此官宋齊以來唯處諸王素族無為者齊以二衛
四軍五校驍騎游擊積射彊弩殿中員外殿中武衛七
將軍殿中司馬左右及虎賁之中郎將冗從僕射羽林
監武騎常侍謂之西省而散騎為東省梁武帝以將軍
之名高下舛雜命更加釐定於是有司奏置一百二十
五號將軍以鎮衛驃騎車騎為二十四班四征四中為

二十三班八鎮為二十二班八安為二十一班四平四
翊為二十班凡三十六號為重號將軍又有五德將軍

忠勇軍師武臣爪牙龍騎雲麾鎮兵翊帥宣惠果毅智
威仁威勇威信威嚴威智武仁武勇武信武嚴武是為
五德將軍也以班多者為貴凡十品二十四班品取其盈數

班法氣候之數制簿悉以大號居後以為選法自小遷
大也前史所記以位得從公故將軍之名次于台槐之
下至是備其班品叙於百官之外凡一百二十五將軍
後魏將軍之名多矣謂驃騎車騎衛為三將軍末年有

八柱國大將軍其中六人各督二大將軍凡十二大將

軍

元贊元育元廓侯莫陳順宇文遵達奚武李遠豆盧寧宇文貴賀蘭祥楊忠王雄是也

又各分

統開府一人一開府領一軍兵是為二十四軍分掌禁

旅當爪牙禦侮之寄自大統十六年以後功臣位至柱

國及大將軍者衆矣咸是散秩無復統禦

後周武帝三年改諸軍軍

士並為侍官

隋煬帝以左右衛左右屯衛左右禦衛左右候

衛凡十二衛各置大將軍一人將軍二人以總府事

每衛

各置長史錄事參軍司倉兵騎鎧等參軍員軍人總名衛士

蓋魏周十二大將軍之

遺制唐武德初秦王既平王世充及竇建德高祖以秦王功殊今古自昔位號不足以為稱乃特置天策上將軍以拜焉位在王公上及升諸宮遂廢天策府二年七月高祖以天下未定事資武力將舉關中之衆以臨四方乃置十二軍分關中諸府以隸焉

以萬年道為參旗軍長安道為鼓旗

軍富平道為元戈軍醴泉道為丹鉞軍同州道為羽林軍華州道為騎官軍寧州道為折威軍岐州道為平道軍幽州道為招搖軍麟州道為苑游軍涇州道為天紀軍宜州道為天節軍每將軍一人副

一人取威名素重者為之

楊恭仁劉弘基長孫順德等為其將

督耕戰之

備自是士馬彊勁無敵於天下五年省七年以突厥寇

掠復置十二軍後又省之其後定制有左右衛左右驍

左右武左右威左右領軍左右金吾左右監門左右千

牛凡十六衛大將軍各一人

左右衛及左右金吾總謂之四衛其餘謂之雜衛

將軍總三十人

左右千牛衛將軍各一人餘衛各二人

左右羽林左右龍

虎左右神虎六軍大將軍各一人將軍各三人皆有衛

署其餘驃騎輔國鎮軍冠軍四大將軍雲麾勇武壯武

宣威明威定遠寧遠游騎游擊等九將軍並為五品以

上武散官先天二年正月十日詔往者衛士計戶取充使二十一入幕六十出軍既憚劬勞咸欲避匿今改取二十五以上充十五年即放出頻經征鎮者十年放出自今已後羽林飛騎先於衛士中簡擇開元六年始詔折衝府兵每六歲一簡自高宗武后時天下久不用兵府兵之法浸壞番役更代多不以時衛士稍稍亡匿至是益耗散宿衛不能給宰相張說乃請一切募士宿衛十一年取京兆蒲同岐華府兵及白丁而益以潞州長

從兵共二十萬號長從宿衛歲一番命左丞蕭嵩與州刺史共選之明年更號曰彊騎

臣謹按宋志曰冗從僕射漢東京有中黃門冗從僕射非其職也魏代因其名而置冗從僕射職官要錄曰本期門之職後漢桓帝時置冗從僕射掌諸散從其射事則主帥之

左右衛

并親衛官屬附

漢京師有南北軍掌理禁衛

南軍若唐諸衛北軍若唐羽林等軍周勃馳入北軍

是也初有衛將軍魏末晉文王又置中衛將軍武帝受禪

分中衛為左右衛將軍

以羊琇為左趙序為右

並置佐吏皆掌宿

衛營兵銀章青綬武冠絳朝服佩水蒼玉宋齊謂之二

衛各領營兵每暮一人宿直後增二衛儀從為九十人

陳因之後魏永光初又增置左右衛將軍各二人北齊

二人分掌左右廂所主朱華閣以外各武衛將軍二人

貳之隋初左右衛大將軍各一人將軍各二人又各統

親衛煬帝改左右衛為左右翊衛

又加置親衛并領勳武二衛煬帝改三衛

為三侍非翊衛府皆無三侍

其所領軍士名為驍騎唐復為左右衛

大將軍各一人

掌宮掖禁禦督攝隊伍

將軍各二人

貳大將軍事

長史

左右衛各一人晉武帝置左右衛各有長史司馬東晉省長史歷宋齊梁陳後魏北齊並同至隋左

右衛各置長史一人唐因之

錄事參軍

左右衛各一人東晉元帝初為鎮東大將軍置錄事參軍自後無梁皇子府有中錄事參

軍錄事參軍各一人後魏二人公府及第一第二第三品將軍府及始蕃王二蕃王三蕃王府各有錄事參軍官北齊因之隋左右衛府各有錄事參軍一人唐因之

倉曹參軍

左右衛各二人東晉元帝為鎮東大將軍有倉曹參軍宋武帝相府亦置後魏與錄事參

軍同置北齊因之隋左右衛府各有倉曹參軍一人唐因之置二人

兵曹參軍

左右衛各二人歷代皆與倉曹同置

騎曹參軍

左右衛各一人魏司馬景王為大將軍有騎兵宋武帝為相有騎兵參軍隋左右衛府有

騎兵參軍唐初因之其後改為騎曹

冑曹參軍

左右衛各一人東晉元帝為鎮東大將軍有鎧曹參軍宋武帝為相亦有之齊有左右鎧

曹各一人隋左右衛府有鎧曹行參軍事一人唐因之長安初改為冑曹神龍初復為鎧曹開元初復為冑曹凡自十六衛及東宮十率府錄事及兵倉騎冑等曹參軍通謂之衛佐並為美職漢魏以來諸將軍有長史以下官屬及唐諸衛所置蓋亦因其舊號考其資位則全校微矣其下諸衛官屬並同

左右親衛中郎將府

中郎將之名秦漢以來有之隋每衛各置開府一員以統之唐武德

七年改開府為中郎將親衛為一府勳衛翊衛各為一府中郎將各一人掌領校尉以下宿衛總判府事唐武德七年改親衛驃騎將軍為之其勳翊二衛亦然左右郎將一人隋備身府置左右郎將唐因其名武德七年改親衛車騎將軍為之其勳翊二衛亦然掌中郎將之職錄事參軍一人掌受府事兵曹參軍一人掌判府事校尉五人

左右驍衛

漢有驍衛將軍謂之雜號將軍武帝以李廣為之後省後漢初改屯衛為驍騎魏置為中軍晉領營兵兼統宿

衛梁以來其任愈重天監六年置左右驍騎領朱衣直閤並給儀從北徐州刺史昌義之首為此職出則羽儀清道入則與二衛通直臨軒則升殿夾侍改舊驍騎曰

雲騎陳有左右驍騎及雲騎

韋翹為驍騎將軍素自名稱每大事常令夾侍左右

時人榮之後魏北齊並有驍騎將軍之職後周有左右驍騎

率上士隋開皇十八年置備身府煬帝即位改左右備身府為左右驍衛府所領軍士名曰豹騎其備身府又別置焉唐因隋置左右驍衛府龍朔二年去府字光宅

元年改左右驍衛為左右武威神龍元年復舊大將軍

各一人所掌與左右衛同將軍各二人以副之

領官屬並隋置

唐因之同左右衛

左右武衛

後漢末曹公為丞相有武衛營及魏文帝乃置武衛將軍以主禁旅晉宋齊梁陳隋又有建武奮武廣武等將軍至隋採諸武之名置左右武衛大將軍一人將軍二人以總府事煬帝改所領軍士名熊騎唐光宅元年改

為左右鷹揚衛神龍元年復為武衛其制與隋同所掌

如左右衛

領官屬並隋置唐因之同左右衛

左右威衛

隋初有領軍府煬帝改為左右屯衛唐因之貞觀十二

年左右屯衛始置飛騎出游幸即衣五色袍乘六閑馬

賜猛獸衣韉而從焉龍朔二年改左右屯衛為左右威

衛而別置左右屯營亦有大將軍等官

尋改左右屯營為羽林

光

宅元年改威衛為豹韜衛神龍元年復舊所掌如左右

衛

領官屬並隋置唐因之同左右衛龍朔三年左右威衛舊官之員外各置錄事參軍一人府三人史四人

並隸左右羽林軍統本司事

左右領軍衛

初魏武為漢丞相相府自置領軍非漢官也建安十二年改為中領軍以史渙為之與護軍韓浩皆領禁兵文帝受漢禪始置領軍將軍以曹休為之主五校中壘武衛三營晉武帝初省使中軍將軍羊祜統二衛前後左右驍騎七軍營兵即領軍之任也祜遷罷復置北軍中

候懷帝永嘉中改中軍曰中領軍元帝永昌元年復改

曰北軍中候尋復為領軍成帝時復以為中候而陶侃

居之尋復為領軍魏晉領護皆金章紫綬中領中護銀

章青綬武冠絳朝服佩水蒼玉

晉郝鑒庾亮紀瞻卞壺
陸煜褚翼王彪之會稽

王道子沈嘉武陵王遵孔
安國謝鯤等並為領軍

宋置領軍將軍一人掌內軍

護軍將軍一人掌外軍齊有領軍及中領軍梁領軍將

軍管天下兵要謂之禁司與左右僕射為一流中領軍

與吏部尚書為一流

梁蕭景為領軍將軍管天下兵要
監局官僚皆近倖多驕侈景在職

峻切官曹肅然其監局多事唯景及陳因之後魏有領

臧盾長於撥繁繼居此職並著聲稱

軍護軍

二職若侍臣帶者加中

又有領軍將軍護軍將軍二將軍

與領護不並置北齊領軍府凡禁衛官皆主之以高歸

彥為領軍大將軍領軍加大自歸彥始隋有左右領軍

府各掌十二軍籍帳差科辭訟之事不置將軍唯有長

史司馬諸曹掾屬等官煬帝改領軍為左右屯衛

即左右威

衛

唐復採舊名別置領軍衛分為左右龍朔二年改為

左右戎衛咸通元年復舊光宅元年改為左右玉鈐衛

神龍元年復舊各置大將軍一人掌宮掖禁備督攝隊

伍與左右諸衛同將軍各二人以副之

長史齊梁陳並有之北齊有長

史司馬隋置錄事以下諸曹唐因之同左右衛

左右金吾衛

秦有中尉掌徼循京師

如淳曰所謂游徼徼循禁備盜賊也顏師古曰徼謂遮繞

漢

武帝太初元年更名執金吾

顏師古曰金吾鳥名也主辟不祥天子出職主先導

以備非常故執此鳥之象因以名官

緹騎二百人

緹騎無秩比史食俸

五百二十人

輿服導從先生滿路羣僚之中斯最壯矣

光武微時歎曰仕宦當為

執金吾

舊掌京師盜賊考按疑事後漢掌宫外戒司非常

水火之事

衛尉巡行宮中金吾徼巡宮外相為表裏以擒姦討猾

月三繞行宫外

及主兵器自中興但專徼循不與他政魏武秉政復為

中尉晉初罷直至後周置武環率武侯率下大夫各二

人隋置左右武侯府大將軍一人將軍三人掌車駕出

入先驅後殿晝巡夜察執捕姦非烽候道路水草所宜

巡狩師田則掌其營禁煬帝大業三年改為左右武侯

衛所領士名欽飛

漢百官表曰漢有左弋令武帝太初元年更名欽飛掌弋射屬少府光武

省之隋氏
株舊名

唐初又為左右武侯府龍朔二年改為左右

金吾衛置大將軍一人所掌與隋同將軍二人副其事

領官屬並隋
置唐因之

左右監門衛

隋初有左右監門府將軍各一人掌宮殿門禁及守衛

事各置郎將二人校尉直長各三十人

有長史司馬錄
事及倉兵二曹

參軍鎧曹行參軍各十人二漢有城
門校尉尉掌京師城門屯兵非今任也

煬帝改將軍為郎

將各一人正四品署官屬並同備身府唐左右監門府

置大將軍中郎將等官龍朔二年改府為衛大將軍各
一人所掌與隋同將軍各二人以副之中郎將各四人
分掌諸門以時巡檢

領官屬並隋
置唐因之

左右千牛衛

千牛刀名後魏有千牛備身掌執御刀因以名職

謝綽
宋拾

遺有千牛刀即人君防身刀也齊尚書楊玉夫取千牛
刀殺蒼梧王是也其義蓋取莊子云庖丁解牛十九年
所割者數千牛而刀刃若
發於硎因以為備身刀名北齊千牛備身屬左右將軍

隋有左右領左右府大將軍一人將軍二人掌侍衛左

右供御兵仗領千牛備身十二人掌執千牛刀備身左

右十二人掌供御刀箭備身十六人掌宿衛侍從

左右置長

史司馬錄事及倉兵二曹參軍事鎧曹行參軍

煬帝改左右領左右府為左右

備身府置備身郎將等官唐貞觀中復為左右領左右

府顯慶五年始置左右千牛府龍朔二年改左右千牛

府為左右奉宸衛後改為左右千牛衛神龍二年各置

大將軍一人所掌與隋同總判衛事將軍各一人以副

之中郎將各一人通判衛事

領官屬即隋左右領左右府長史以下唐改之左

右千牛備身各十二人掌執御刀宿衛侍從

皆以門蔭子弟年少

姿容美麗者補之為貴胄起家之良選

備身左右十二人

執御刀弓箭宿衛侍省

備

身各一百人

掌宿衛侍從

左右羽林軍

漢武太初元年初置建章營騎後更名羽林

象天文羽林星主車

也騎

宣帝令中郎將騎都尉監羽林謂之羽林中郎將領

郎百人謂之羽林郎選隴西漢陽安定北地西河上郡

良家子便弓馬者以為之一名巖郎

後漢志曰言從游獵還宿殿階巖下

室中故號巖郎

又置羽林左右監

後漢志曰羽林左監一人主羽林左騎羽林右監一人主

羽林右騎皆六百石

取從軍死事之子孫養之羽林官教以五兵

號曰羽林孤兒光武中興以所征伐士勞苦者為之具

後復簡五營高手別為左右監羽林父死子繼與虎賁

同所居之處謂之寺

延熹六年減虎賁羽林郎住寺不任事者半俸

二漢並屬

光祿勳

後漢竇固鄧彪並為羽林

魏羽林左右監與漢同

夏侯太初為右桓範

為左晉罷羽林中郎將又省一監置一監而已哀帝省宋

武帝永初初復置江右領營兵江左無復營兵羽林監

及虎賁中郎將並銅印墨綬武冠絳朝服其在陞列則

鷩尾冠

鷩鳥每關死不止

絳紗縠單衣江左不復著鷩冠齊因

之後魏有羽林監北齊置監十五人後周有左右羽林
率屬大司馬隋煬帝改左右領軍為左右屯衛所領兵
為羽林唐貞觀十二年於元武門置左右屯營以諸衛
將軍領之其兵名曰飛騎又於飛騎中簡材力驍捷善
射者號為百騎扈從游幸則衣五色袍乘六閑馬賜猛
獸衣韉龍朔二年改左右屯營為左右羽林軍武太后

臨朝永昌元年改百騎為千騎天授中改軍為衛中宗

景龍元年改千騎為萬騎大將軍一人

大足元年左右羽林衛各增置

將軍一人

所掌與左右衛同將軍各三人以副之

領官屬並唐置

左右龍虎軍

左右神虎軍附

唐之初有禁兵號為百騎屬羽林永昌元年改羽林百騎為千騎景龍元年改千騎為萬騎仍分為左右營開元二十六年析羽林軍為左右龍虎軍以左右萬騎營隸焉官屬並唐置至德中分置左右神虎軍各置官屬

如羽林之制

武官第八下

大將軍

并官屬

大將軍

戰國時官也楚懷王與秦戰秦敗楚虜其大將軍屈丐是矣漢高帝以韓信為大將軍武帝又

置初武帝以衛青數征伐有功以為大將軍欲尊寵之故置大司馬官號以冠之青為車騎將軍擊匈奴有功引兵還帝使使者持大將軍印即軍中拜青為大將軍位在公上又加青大司馬位冠於大將軍上共為一官後霍光王鳳等皆然成帝綏和二年賜大司馬印綬罷將軍官後漢光武時吳漢以大將軍為大司馬時以大將軍自為一官其大司馬不加於其上
和帝時以竇憲為之舊大將軍位在三公下置官屬依太尉憲威權震

朝廷公卿希旨奏憲位次太傅下三公上長史司馬秩中二千石從事中郎二人六百石自下各有增自安帝政治衰缺始以嫡舅耿璠為大將軍常在京都順帝即位又以皇后父兄弟相繼為大將軍如三公漢末猶在三公上魏武為大將軍袁紹為太尉紹耻班在下魏武乃因以大將軍推紹魏黃初中又有上大將軍以曹真為之明帝青龍三年晉宣帝自大將軍為太尉然則大將軍在三司下矣其後又在三司上自漢東京大將軍不常置為之者皆擅朝權至晉景帝為大將軍亦受非常之任後以叔父字為太尉奏改大將軍在太尉後位次三司下後復舊在三司上太康元年琅邪王佃遷大將軍復制在三司下佃薨復如舊冠綬珮服與大司馬同宋唯彭城王義康為之章綬冠珮亦與晉同齊以為贈梁有之陳以為贈後魏北齊為二大與大司馬同後周建德四年增置上大將軍隋並以為武散官不治事上大將軍從二品大將軍正三品唐貞觀二年九月勅

六軍先已各置統軍一人今十六衛宜各置上將軍一人秩從二品漢不見官屬後漢大將軍驃騎將軍車騎將軍衛將軍有長史一人司馬一人從事中郎二人掾屬二十九人令史及御屬三十一人又賜官騎四十人及鼓吹其領軍皆有部曲大將軍營五部校尉一人軍司馬一人部下曲曲有軍候一人曲下有屯屯長一人其不置校尉部但有軍司馬一人其別營領屬為別部司馬其多少各隨時宜門有門候魏以司馬景王為大將軍掾十人則無屬官其驃騎車騎府有長史司馬晉驃騎衛將軍伏波撫軍都護鎮軍中領四征四鎮龍驤典軍上軍輔國等大將軍開府者皆為位從公品秩俸賜亦與諸公同加兵者增置司馬一人從事中郎二人主簿記室督各一人官屬並與公同後周有大將軍長史司馬中郎掾屬諸曹參軍典籤等員隋以後無

車騎將軍

漢文帝元年始用薄昭為車騎將軍灌嬰周亞夫金日磾並為之後漢章帝時西羌反以

欽定四庫全書

通志
卷五十五

舅馬防行車騎將軍征之銀印青綬在卿上絕席還復
罷和帝即位以舅竇憲為車騎將軍征匈奴始賜金紫
次司空安帝即位西羌寇亂以舅嬖臣又以贈之魏車騎為都
之數年復罷靈帝數以拜嬖臣又以贈之魏車騎為都
督儀與四征同若不為都督雖持節屬四征者與前後
左右雜號將軍同其或散還從文官之例則位次三司
府如三司之儀後魏制與驃騎同隋車騎屬驃騎府唐
省之

衛將軍

漢文帝始用宋昌為衛將軍位亞三司其官屬
附見大將軍後凡驃騎車騎衛三將軍皆金印

紫綬武冠絳朝服佩水蒼玉晉以陸曄為衛將軍兼儀
同三司加千兵百騎東晉已後尤為要重後魏初加大
則次儀同三司孝文太和中制加大則
位在太子太師上歷代多有唐無之

前後左右將軍

皆周末官秦因之位上卿金印紫綬漢不常置或有前後或有左右皆掌兵及

四夷李廣為前將軍趙充國為後將軍辛慶忌王商為左將軍馮奉世為右將軍光武建武七年省魏以來復置晉武初又置前軍左軍右軍泰始八年又置後軍是為四軍齊亦號左右前後四軍陳並有之北齊左右將軍領千牛備身唐無

四征將軍

皆漢魏以來置加大者始曰方面征東將軍漢獻帝初平三年以馮騰為之或云以張遼

為之征西將軍光武建武中以馮異為征西大將軍征南將軍建武二年置以馮異為之亦以岑彭為征南大將軍征北將軍魏明帝太和中置劉靖為之魏黃初中位次三公後魏加大則次衛將軍唐無

四鎮將軍

鎮東將軍後漢末魏張魯晉杜預並為之鎮西漢末劉表為之魏張魯晉杜預並為之鎮南將軍後

將軍後漢劉表為之魏鍾會鄧艾並為之鎮北將軍魏明帝太和中置劉靖許允並為之宋時四鎮與中軍為

雜號後魏加大次尚書令唐無

四安將軍

安東將軍後漢陶謙曹休並為之安南將軍光武元年始以岑彭為之安西將軍後漢末

段熲魏鍾會石鑒並為之安北將軍晉以郝鑒為之後魏亦有唐無

四平將軍

平東將軍晉杜預王濬等為之平南將軍晉盧欽羊祜胡奮等為之平西將軍晉嵇紹為

之平北將軍漢獻以張燕晉以阮坦為之並漢魏間置後魏亦有之唐無

雜號將軍

歷代雜號將軍凡數百不可具載今錄其著者上將軍漢以呂祿為之騎將軍漢武帝

以公孫敖及公孫賀為之樓船將軍漢元封三年以荀彘為之橫海將軍漢元鼎六年以韓說為之擊東

越有功材官將軍漢李息為之掌治宮室貳師將軍李廣利為之征貳師城取善馬故以為號輕車將軍漢武以公孫賀為之伏波將軍漢武帝征南越始置此號以路博德為之後漢馬援亦為之伏波者船涉江海欲使波浪伏息中軍將軍漢武帝以公孫敖為之彊弩將軍漢武帝以李沮為之戈船將軍環氏要畧云建戈於船上浮渡沮水以討北狄奮威將軍漢武帝以田千秋為之度遼將軍漢武帝初以范明友為之後漢明帝永平八年又置屯五原銀邱青綬積射將軍漢有之晉武帝泰始四年省太康十五年立射營弩營置積射彊弩將軍主之建威將軍漢元帝以韓安國王晏並為之九虎將軍王莽拜將軍九人皆以虎為號號九虎將軍征虜將軍後漢建武中始以祭遵為之後張飛亦為之虎牙將軍後漢光武以蓋延為之橫野將軍漢光武以王常為橫野大將軍位與諸將絕席捕虜將軍後漢永平中馬武為之

鷹揚將軍後漢建安中魏武以曹洪為之破虜將軍
後漢末以孫堅為之討逆將軍後漢以孫策為之
討虜將軍後漢末以孫權為之安漢將軍蜀糜竺為
之班在軍師將軍之右武威將軍魏武帝以于禁為
後漢置初以羅獻為之寧朔將軍魏以王渾為之
橫江將軍吳魯肅為之龍驤將軍晉武帝始以王濬
為之殿中將軍宋初置之黑稍將軍後魏于栗磾
好持黑稍以自衛劉裕書與之曰黑稍公麾下明帝因
授黑稍將軍牙門將軍冠軍服與將軍同魏文帝黃初
中置明帝以胡烈為之又王隱晉書云陸機少襲父為
牙門將吳人重武官也故晉惠帝特置四部牙門以汝
南王祐為之蜀
以趙雲為之

監軍

齊景公使穰苴將兵捍燕晉之師穰苴願得君之
寵臣以監軍公使莊賈往賈不時至苴斬之是其

始也漢武帝置監軍使者光武以來歛監諸將後漢末
劉焉以監軍使者領益州牧劉璋亦為監軍使者魏晉
世皆有之魏時司馬昭征壽春石苞為監軍鍾會伐蜀
衛瓘為監軍晉孟康持節監石苞諸軍事初隗囂軍中
嘗置軍師囂聘平陵人方望為之又袁紹請盧損為軍
師至魏武帝又置師官四人以荀攸為軍師軍國選舉
及刑獄法制皆使決焉又梁義為左軍師吳朱然為右
軍師蜀以諸葛亮為軍師將軍晉避景帝諱改為軍司
凡諸軍皆置之以為常員所以節量諸軍亦監軍之職
也而太尉軍司尤重故山公啓事曰太尉軍司缺當選
上宰監宜得宿有資重者也宋齊以來此官頗廢至梁
大通四年元法僧北討復以羊侃為其太尉軍司後代
多不置至隋末或以御史監軍事唐亦然時有其職非
常官也開元二十年後並以中官為之謂之監軍使
軍師祭酒後漢建安三年曹公還許初置此官理曹
掾屬後漢建安十九年魏武令曰軍中典獄者或非其

人而仕以三軍死生吾甚懼之
遂署此選明達法理者為之

三署郎官叙

漢中郎將分掌三署郎有議郎中郎

皆比六百石

侍郎

比四百石

郎中

比三百石

凡四等皆秦官無員多至千人

漢靈帝時三署郎吏二千

餘人

皆掌門戶出充車騎

其散郎謂之外郎

故卿校尉牧守待價

於此公車特召賢良方正敦樸有道高節公府掾曹試

博士者亦充茲位其下第白衣試博士者皆拜郎中中

郎有五官左右三將

謂五官中郎將左右郎將

郎中有車戶騎三將

如淳曰主車曰車郎主戶衛曰戶郎漢舊儀曰郎中令主郎中左右車將主左右車郎左右戶將郎主左右戶

郎凡郎官皆主更直執戟宿衛諸殿門唯議郎不在直

中

漢儀曰三署郎見光祿勳執版拜見五官左右將執版不拜於三公諸卿無敬

郎官故事令

出錢市財用給文書乃得出時號曰山郎

謂以資財為郎山者財用

所出故名貧者或至經歲不得休沐其豪富郎日出遊戲或

行錢得善部貨賂流行轉相放效楊惲為中郎將罷山

郎其疾病休沐皆以法令有過奏免薦舉其高第有行

能者多至郡守九卿三署化之莫不自勵宮殿之內翕

然同聲其後遂以為常

後漢和帝永元元年初令郎官詔除者得占丞尉以比秩為真

凡三署郎官二漢並屬光祿勳光祿選三署郎有行應

四科者歲舉茂才二人四行二人又上廉吏六人為長

治劇隨缺多少萬戶以上為劇縣其缺少者不選公府

亦然故明帝時館陶公主為子求郎帝不許賜錢千萬

曰夫郎官上應列宿出宰百里有非其人人受其殃

後漢

桓靈間三署見郎七百餘人而郡國計吏多留拜為郎

太尉楊秉上疏諫曰先王建國順天制官太微積星名

為郎位入奉宿衛出牧百姓云云按自近代皆謂郎官

上應列宿出宰百里為尚書郎故事且夫天有虎賁郎

位等星皆在太微帝座之後為翊衛之象則三署郎也而世人謂之尚書郎則誤矣微其失也蓋自梁陶藻職官要錄以漢三署郎故事通為尚書郎

舊有郎中將右騎光武中興悉省

之晉議郎遷為太守

山公啓事曰議郎許允宜參廣漢太守選

亦有郎中等

官其後雖有中郎將等官而無三署郎矣

中郎將五官左右中郎將

皆秦官漢因之並領三署郎後漢郡國舉孝廉以補之三

署郎年五十以上屬五官後漢黃琬為五官中郎將時陳蕃為光祿勳深相禮待每與議事舊制光祿舉三署郎以功高久次才德尤異為茂才四行時擢富者多以人事得舉而安貧守志者見遺京師諡曰欲得不能光祿茂才於是蕃琬同心顯用志士故皆為權富郎所中傷其次分屬左右署左右郎將各領左右署郎二署皆

有中郎侍郎郎中三郎並屬光祿勳魏無三署郎猶置左右中郎將晉武帝省左右中郎將官宋孝武大明中復置銀章青綬武冠絳朝服佩水蒼玉齊左右中郎將屬西省梁代並分司丹禁唐亦置諸衛中郎將永徽三年八月避太子名改中郎將為旅賁郎將又改為翊軍郎將尋復舊

虎賁中郎將

周官有虎賁氏掌領虎士八百人漢武帝建元三年初置期門比郎中蓋以徵行出

游選材力之士執兵從送期之諸門故名期門無員多至千人平帝元始元年更名虎賁郎舊曰虎賁言如虎之奔置中郎將領之故有虎賁中郎將主虎賁宿衛冠挿兩鵄尾鵄鷩鷩鳥中之果勁者尾上黨所貢後漢崔鈞為虎賁中郎將武弁戴鵄尾紗縠單衣虎文錦袴餘郎亦然凡有虎賁中郎虎賁侍郎虎賁郎中節從虎賁皆父死子繼若死王事亦如之前賢亦多為者後漢馬援孔融並為虎賁中郎將魏桓階為虎賁中郎將遷尚書

典選
唐無

東西南北四中郎將

東中郎將後漢靈帝以董卓為之南中郎將漢獻帝以臨淄侯曹植

為之西中郎將晉以謝曼桓冲為之北中郎將後漢以盧植為之建安中以鄢陵侯曹彰為之按此四中郎將並後漢置江左彌重或領刺史或持節為之銀印青綬服同將軍後魏靈太后時四中郎將兵數寡弱不足以襟帶京師任城王澄奏宜以東中帶滎陽郡南中帶魯陽郡西中帶弘農郡北中帶河南郡選一品三品親賢兼稱者居之配以彊兵則深根固本之計也靈太后初從之後復止唐至德後節度都團練使殆其遺職也

雜中郎將

匈奴中郎將後漢主護南單于以張奐為之魏天興四年罷平越中郎將晉武帝置治

廣州主護南越司金中郎將趙王循為之武衛中郎將魏始以許褚為之

欽定四庫全書

通志

三

折衝府

隋初左右衛左右武衛左右武候各領軍坊鄉團以統戎卒開皇中置驃騎將軍每府置驃騎

車騎二將軍大業三年改驃騎府為鷹揚府改驃騎將軍為鷹揚郎將改車騎將軍為鷹揚副郎將五年又以鷹揚副郎將為鷹擊郎將九年別置折衝果毅及武勇雄武等郎將官以統領驍果至唐初猶有驃騎府及驃騎車騎將軍之制武德七年乃改驃騎為統軍車騎為別將貞觀中復採隋折衝果毅郎將之名改統軍為折衝都尉別將為果毅都尉其府多因其地各自為名無鷹揚之號凡五百七十四府分置於諸州而名隸諸衛及東宮率府各領兵滿一千二百人為上府十人為中府八百人為下府每府置折衝都尉一人左右果毅都尉各一人別將一人長史一人兵曹一人校尉六人凡府在赤縣為赤府在畿縣為畿府衛士以三百人為團團有校尉五十人為隊隊有正十人為火火有備每歲十一月以衛士帳上于兵部以候調發天下衛士向六

十萬人初置以成丁而入六十出役其家不免王徭遂漸逃散年月漸久逃死者不補天寶八載五月停折衝府以無兵可校故也十一
年八月改諸衛士為武士

奉車駙馬騎三都尉奉朝請

三都尉並漢武帝元鼎二年置舊無員或以冠常侍

或卿尹校尉左遷為之奉車掌御乘輿車駙馬掌駙馬駙副也非正駕車者騎都尉本監羽林騎奉朝請者漢律諸侯春日朝秋曰請後漢並屬光祿勳奉朝請無員本不為官東京罷省三公外戚皇室諸侯多奉朝請謂但奉朝會請召而已晉武帝亦以皇室外戚為三都尉奉朝請元帝為晉王以參軍為奉車都尉掾屬為駙馬都尉行參軍舍人為騎都尉皆奉朝請後罷奉車騎二都尉唯留駙馬都尉奉朝請諸尚公主者若劉惔桓溫等皆為之宋武帝永初以來以朝請選雜其尚公主者唯拜駙馬都尉齊武帝永明中奉朝請至六百餘人梁

三都尉並無員秩其奉車駙馬皆武冠絳朝服銀印青綬梁陳駙馬皆尚公主者為之後魏駙馬都尉亦為尚公主官雖位高卿尹而此職不去奉車二十人騎都尉六十人北齊駙馬與後魏同隋開皇三年罷奉朝請煬帝時奉車駙馬並廢唐駙馬都尉從五品皆尚主者為之開元三年勅駙馬都尉從五品階宜依式仍備紫金魚袋天寶已前皆以美儀容者充選奉車都尉五員掌馭副車不常置若大備陳設則以餘官攝行屬左右衛

東宮官第九

東宮官序

太子六傅

三少

賓客

詹事

丞

司直

主簿

庶子

中允司

議郎

崇文館學士

舍人

洗馬

通事舍人

文學

校書

諭德

贊

正字

直郎

典膳郎

典設郎

藥藏郎

宮門郎

家令

率更令

僕

左右衛率府

副率以下官屬

左右司禦率府 左右清道

率府

左右監門率府左右內率府

旅賁中郎將 太孫官屬

東宮官序

凡三王教世子必立太傅少傅以資之太傅則示之以父子君臣之道少傅則奉世子以觀太傅之德行而審諭之太傅在前少傅在後

謂其在學時也

入則有保出則有師

謂燕居出入時也漢班彪上書曰昔成王為孺子出則周公召公入則太顛閎夭南宮适散宜生左右前後皆正之師也者教之以事而諭諸德者也保也者慎其身

以輔翼之而歸諸道者也秦漢以下始加置詹事中庶子及諸府寺等官亦有以他官而監護者自魏明帝以後久曠東宮制度闕廢官司不具

吳孫權即位孫登為太子兼置四友等官

以諸葛恪為左輔張休為右弼顧譚為輔正都尉陳表為翼正都尉是為四友於是東宮號為多士晉初

詹事左右率庶子中舍人諸官並未置唯置衛率令典兵二傅并攝衆事至咸寧元年始置詹事以領宮事宋武置東宮率更令等官其中庶子庶子中舍人舍人洗馬各減舊員之半後周加置太子諫議員四人至隋罷

詹事分東宮置門下坊典書坊

北齊已有典書坊

以分統諸局

比門下內史二省

門下坊有左庶子二人內舍人四人錄事二

人統司經宮門內直典膳藥藏齋師等六局典書坊有

右庶子二人舍人通事舍人各八人領內坊唐置詹事

府以統衆務置左右二春坊以領諸局左春坊置左庶

子二人中允二人司議郎四人錄事二人左諭德一人

左贊善大夫五人崇文館校書二人亦統六局右春坊

置右庶子二人中舍人二人舍人四人錄事二人右諭

德一人右贊善大夫五人通事舍人八人兼領內坊因隋制也

臣謹按漢孝宣帝欲令中郎將監護太子家疏廣以為示狹非所以廣太子也後漢順帝立太子居承光宮以侍御史种暘監護有中常侍卒乘衣車來載太子太子太傅高寢憂懼不能止開門將出而暘至手劔當車曰太子國之儲副常侍來無尺一何以得將太子去今日之事有死而已乃遣寢詣臺啟白得中

決勅乃聽之

太子六傅

太子師傅商周已有逮乎列國秦亦有之漢高帝以叔孫通為太子太傅位次太常後亦

有少傅後漢太傅禮如師不領官屬而少傅主太子官屬漢魏故事太子於二傅執弟子禮皆為書不曰令少傅稱臣而太傅不臣吳薛綜綜子瑩瑩子兼三代並為太子少傅晉泰始三年武帝始建東宮各置一人尚未置詹事官事無大小皆由二傅少傅立草太傅書真以為儲訓並有功曹主簿五官秩與後漢同皇太子先拜諸傅然後答之如弟子事師之禮二傅不得上疏曲敬武帝後以儲副體尊遂命諸公居之以本位重故或行或領時侍中任愷武帝所親敬復使領之蓋一時之制也咸寧元年以給事黃門侍郎楊珧為詹事掌宮事二傅不復領官屬及楊珧為衛將軍領少傅復省詹事遂崇廣傅訓命太尉賈充領太保司空齊王攸領太傅所

置吏屬復如舊二傅皆進賢兩梁冠黑介幘五時朝服佩水蒼玉其後太尉汝南王亮車騎將軍揚駿司空衛瑾石鑒皆領傅保猶不置詹事以終武帝之世惠帝元康元年復置詹事及愍懷太子建宮乃置六傅三太三少馬晉二傅給米田六頃田駒五十人夏後不及田者食俸一年給赤耳安車一乘又晉書曰東宮舊制月請錢五十萬以備衆用景帝諱師故改太師為太帥通省尚書事詹事文書闕由六傅自元康之後諸傅或三或四或六渡江之後有太傅少傅不立師保宋有太傅少傅各兼丞一人其保傅並銀章青綬齊與宋同武帝時以王儉為少傅舊太子致敬二傅同至是朝議接少傅以賓友之禮梁太傅位視尚書令少傅視左僕射陳因之自宋以下唯有傅而無師保後魏有太師太傅太保謂之東宮三師少師少傅少保謂之東宮三少北齊皆有之出則三師在前三少在後後周不置隋與北齊同唐六傅不必備唯其人太子出則來輅備儀以為後從

臣謹按後魏孝明在東宮宣武皇帝以崔光為太子
傅光固辭帝令太子南面再拜宮臣皆從太子拜光
北面立不敢答拜唯西面拜謝而出乃授光太子少
傅又按唐貞觀中太宗撰太子接三師之儀出殿門
迎太子先拜三師答拜每門讓三師坐與三師書前
名皇恐後名皇恐再拜

太子賓客

漢高帝時有四人年老以上慢侮逃匿山中
義不為漢臣謂之四皓東園公綺里季夏黃

公角里先生高帝不能致及將廢太子太子致禮而四
人至鬚眉皓白衣冠甚偉高帝異之太子由是不廢至

孝武帝又為太子立博望苑使通賓客晉元康元年愍懷太子始之東宮惠帝詔曰太保衛瓘息庭司空隴西王泰息畧太子太傅楊濟息誌太子少師裴楷息憲太子少傅華廙息恒五人與太子往來以備賓客時雖非官而謂之東宮賓客其後無聞唐顯慶元年正月以太子太傅兼侍中韓瑗中書令來濟禮部尚書許敬宗左僕射兼太子少師于志寧並為皇太子賓客遂為官員定置四人掌調護侍從規諫凡太子有賓客之事則為上齒蓋取象於四皓焉資位閑重其流不雜天寶中賀知章自太子賓客度為道士還鄉舍宅為觀明皇賦詩贈別時議榮之

太子詹事

秦官漢因之掌皇后太子家漢時太子門大夫庶子洗馬舍人皆屬二傅其太子家令丞

率更令丞僕中盾衛率等官並屬詹事後漢省詹事而太子官悉屬少傅魏復置詹事領東宮衆務晉不置至

咸寧元年復置以掌宮事及永康中復不置自大安以來又置終孝懷之世晉職擬尚書令掌三令四率中庶子庶子洗馬舍人等官銀印青綬介幘進賢兩梁冠絳朝服佩水蒼玉宋與晉同齊置府領官屬梁陳任總宮朝後魏有太子左右詹事北齊東宮衆事無大小皆統之領三寺二坊又左右衛後周置太子宮正宮尹隋開皇初置詹事二年罷之唐復置詹事一人掌內外衆務糾彈非違總判府事置少詹事一人以貳之龍朔二年改詹事為端尹詹事府為端尹府少詹事為少尹咸通初復舊垂拱元年又改詹事為宮尹少詹事為少尹神龍初復舊

臣謹按漢皇后太子各置詹事隨其所在以名官漢

官儀曰詹事位在長秋上亦宦者主中諸官後漢志

曰初成帝鴻嘉三年省詹事職并大長秋是後皇后
當法駕出則中謁中宦者職吏權兼詹事奉引訖罷
宦者誅後尚書選兼職吏一人奉引此皆皇后詹事
也

丞

秦官漢因之後漢省魏晉皆隨詹事省置至晉永康
中詹事特置丞一人掌文書關通六傳過江多用員

外郎及博士為之遷尚書郎宋齊因之梁陳制一梁冠
卑朝服銅印墨綬後魏北齊並有之隋初置一人唐置
二人掌文武官簿帳
朝集假使分判府事

臣謹按後魏楊昱為詹事丞孝明為太子尚在懷抱

其所出入唯乳母而已不令宮僚聞知是諫曰太子
動止宜令翼從陛下若召太子必降手勅令臣下咸
知乃詔曰自此已後非朕手勅勿令兒出宮宮臣在
直從至萬歲門

主簿

一人晉始置歷代皆有掌府事及三
寺十率府文符之隱漏程限稽失者

司直

二人唐龍朔三年置桂坊比御史臺置令一人比
大夫司直二人比侍御史掌彈劾宮府察其後廢

桂坊以司直

隸詹事府

太子庶子

古者天子有庶子之官周官謂之諸子職諸
侯卿大夫之庶子掌其戒令與其教治有大

事則帥國子而致於太子唯所用之秦因之置中庶子
庶子員漢因之有庶子員五人史丹王商歐陽地餘並
為中庶子王莽改曰中尚翼子後漢員五人職如侍中
而庶子無員職如三署中郎凡庶子主宮中并諸吏之
適子及支庶版籍魏因之在吳為親近之官張溫言於
孫權曰中庶子官最親密切問近對宜用雋選由是以
顧譚為之晉中庶子庶子各四員職比散騎常侍及中
書監令皆以俊茂者為之或以郡守參選若釋奠中庶
子扶左庶子扶右宋與晉同武冠平巾幘絳朝服元嘉
初詔二率中庶子隨太子入直上宮十四年又詔還直
東宮至齊其庶子用人卑雜梁天監七年詔革選其年
以太子中舍人司徒從事中郎為之凡中庶子四人以
功高者一人為祭酒行則負璽前後部護駕與功高中
舍人一人共掌其坊之禁令庶子四人掌侍從左右獻
納得失與功高通事舍人一人共掌其坊之禁令冠服
並同前代陳因梁制後魏亦有中庶子庶子官北齊門

下坊中庶子四人領之典書坊庶子四人領之隋分為左右庶子各二人分統門下典書二坊事唐亦各二人分掌左右春坊事左擬侍中而右擬中書令中允司議郎司經洗馬文學校書正字典膳藥藏內直典設宮門等局郎丞崇文館屬右春坊中舍人舍人通事舍人並屬左春坊其諭德贊善亦左右分隸焉

中允

後漢太子官屬有之職在中庶子下洗馬上漢制太子五日一朝其非朝日即使僕及中允朝朝請

問起居其後無聞宋齊有中舍人是其職也唐貞觀初改太子中舍人為中允置二員其後復置中舍人龍朔二年又改中允為左贊善大夫咸亨元年復為中允而左贊善仍置焉中允掌侍從禮儀駁正啓奏并監藥及通判坊局事若庶子闕則監封題職擬黃門侍郎

司議郎

唐貞觀五年皇太子表請置史職用司議郎乃於門下坊置太子司議郎四人精選名士以

居之掌侍從規諫駁正啓奏并錄
東宮記注分判坊事職擬給事中

中舍人

晉咸寧初置四人以舍人才學之美者為之與
中庶子共掌文翰在中庶子下洗馬上凡奏事

文書皆綜典之監和嘗藥月檢奏直臣名更直五日典
文疏如中書郎宋亦四人齊有一人梁時功高者一人
與中庶子祭酒共掌其坊之禁令陳因之後魏北齊共
有之隋曰內舍人四員屬門下坊煬帝減二人唐中舍
人二員掌侍從令書奏疏通判坊事
擬中書侍郎或謂之太子中書舍人

舍人

秦官也漢因之北郎中選良家子為之後漢無員
更直宿衛如三署郎中魏因之晉有十六人職比

散騎中書侍郎從駕則正直從次直守妃出次直從宋
有四人齊有一人梁有十六人掌文記陳因梁制後魏
亦有之北齊典書坊置二十人隋典書坊有八人煬帝
改為管記舍人減四員唐復為太子舍人四人掌侍從

表啓宣行令
旨分判坊事

通事舍人

齊中庶子下有門下通事守舍人四人又庶子下有內典書通事舍人二人掌宣傳令旨

內外啓奏梁亦有之視南臺御史多以餘官兼職陳因之北齊門下坊有通事舍人八人至隋亦有之煬帝改為宣令舍人八員唐復為通事舍人亦有八員掌引導辭見承旨勞問

左右諭德

唐龍朔三年初置太子左右諭德各一員掌侍從贊諭職比右散騎常侍

左右贊善大夫

唐龍朔二年初置左贊善大夫替中允置右贊善大夫替中舍人咸亨元年中

允舍人復舊而贊善大夫別自為官左右各五人皆掌侍從翊贊比諫議大夫

崇文館學士

魏文帝始置崇文館以王肅為祭酒其後無聞唐貞觀中置崇賢館有學士直學士

員掌經籍圖書教授諸王屬左春坊龍朔二年改司經局為桂坊管崇賢館而罷隸左春坊兼置文學四員司直二員司直正七品上職為東宮之憲司府門北向以象御史臺其後省桂坊而崇賢又屬左春坊後沛王賢為皇太子避其名改為崇文館其課試舉選與弘文館同

洗馬

秦官漢亦曰先馬如淳曰前驅也國語曰勾踐親為夫差先馬先或作洗後漢員十六人職如謁者

太子出則當直者前驅導威儀也漢選郎中補之安帝時太子謁廟洗馬高山冠非乘從時著小冠魏因之晉有八人職如謁者准祕書郎集賢一梁冠黑介幘絳朝服宋與晉同齊置一人梁有典經局又置八人掌文翰尤為清選皆取甲族有才名者為之位視通直郎陳因之北齊典經坊洗馬二人隋曰司經局置洗馬四人煬帝減二人唐司經局洗馬二人龍朔二年改洗馬為司經大夫三年改司經局為桂坊一云析司經局置桂坊

司經大夫通判坊事罷隸左春坊咸亨
初復舊掌侍奉及經史圖籍判局事

臣謹按梁庾於陵拜洗馬舍人舊東宮官屬通為清
選洗馬掌文翰尤其清者近代用人皆取甲族有才
名者時於陵周捨並擢充斯職武帝曰官以人而清
豈限於甲族時論美之

文學

漢時郡及王國並有文學而東宮無聞魏武為丞
相以司馬宣王為太子文學自後並無後周建德

三年置太子文學十人後省唐龍朔三年置太子文學
四員屬桂坊桂坊廢而屬司經開元中定制為三員掌
侍奉分掌四部
書判書功事

校書

宋孝建中洗馬有校書吏四人自後無聞北齊有太子校書隋太子校書有六人唐四人掌讐校經

籍無郎字初弘文崇文二館置讐校開元六年省讐校置校書弘文四員崇文二員

正字

隋太子正字二員煬帝改為正書唐復為正字亦置二人掌刊正文字

典膳郎

漢魏以來並有太子食官局至北齊門下坊始別置典膳局有監丞各二人隋如北齊之制唐

典膳局有郎二人丞二人郎掌進膳嘗食之事丞貳之

臣謹按唐乾封元年皇太子久在內不出典膳丞邢

文偉減膳上啟曰竊見禮大戴記曰太子既冠成人

免於保傅之嚴則有司過之史虧膳之宰史之義不

得不書過不書則死之宰之義不得不撤膳不撤則死之近代以來未甚談議不接謁見常三朝之後但與內人獨居何由發揮聖智使睿哲文明者乎今史雖闕官宰當奉職忝備所司不敢逃死謹守禮經遽申減膳其年右史闕宰臣進擬數人高宗曰邢文偉嫌我兒不讀書不肯與肉喫此人甚直可用遂拜焉

藥藏郎

北齊門下坊領藥藏局有監丞各二人侍藥四人隋如齊之制唐藥藏局有郎二人丞二人郎

掌和劑醫藥之事丞貳之

內直郎

齊有太子內直兵局內直兵史二人梁有齊內主璽主衣扶持等局各置有司以丞其事陳因

之北齊門下坊領殿內局有內直監二人副監四人隋如北齊制唐內直局有郎二人丞二人掌符璽繖扇几杖衣服之事丞貳之

典設郎

南齊置齊居局齋居庫郎一人梁有齋內局各置有司以丞其事陳因之北齊門下坊有齋局

有太子齋內閣帥內閣帥各二人隋如北齊制唐典設局有郎四人掌凡大祭祀湯沐灑掃鋪陳之事

宮門郎

秦有太子門大夫漢因之員二人職比郎將漢官儀曰門大夫選四府掾屬為之安帝時太子

謁廟門大夫乘從冠兩梁冠魏因之晉太子門大夫准公車令掌通牋表及宮門禁防宋因之梁代視謁者僕

射陳因之北齊謂之門大夫坊并統伶官隋煬帝改門大夫為宮門監唐初為宮門大夫後為宮門局有郎二

人丞二人郎掌東宮殿門
管鑰及啓閉之事丞貳之

太子家令

家令秦官屬詹事太子稱家故曰家令漢因
之有丞主倉穀飲食職似司農少府漢代太

子食湯沐邑十縣家令主之後漢則屬少傅主倉穀飲
食魏因之晉又兼主刑獄職比廷尉司農少府其家令
率更令及僕射為太子三卿太康八年進品與中庶子
二率同自漢至晉家令在率更下宋則居上銅印墨綬
進賢兩梁冠絳朝服主內茵褥牀几諸供中之物及官
奴婢月用錢庫內鹽米車牛刑獄齊因之自宋齊以來
清流者不為之至梁天監六年武帝以三卿陵替乃詔
草選家令視常侍率更僕視黃門陳因之後魏亦曰三
卿北齊詹事領家令有丞功曹主簿領食官典倉司藏
等三署及領內坊令丞隋掌刑法食膳倉庫奴婢等煬
帝改為司府令唐復為家令寺置家令一人唯不主刑
法餘與隋同丞二人主簿一人領食官署典倉署司藏

署署令各一人
丞各二人

太子率更令

率更令秦官顏師古曰掌知漏刻故曰率更漢因之有丞主簿庶子舍人更直職似

光祿勳而屬詹事後漢因之為太子少傅屬官魏因之晉主宮殿門戶及賞罰事銅印墨綬進賢兩梁冠絳朝服宋齊因之梁陳後魏並有北齊領中府署掌周衛禁防漏刻鐘鼓亦屬詹事隋掌伎樂漏刻有令丞錄事各一人唐因之加掌皇族次序及刑法事丞主簿各一人

太子僕

僕秦官漢因之又有長丞主車馬又有太子廄長一人亦主車馬後漢因之而屬少傅職如太

僕太子五日一朝其非太子朝日即與中允入問起居魏因之晉主與馬兼主親族如太僕宗正從駕乘安車次家令而屬詹事宋齊並有之梁視黃門郎陳因之後魏亦有北齊詹事領僕寺置令丞功曹主簿領廄牧署

令隋僕寺置僕一人掌皇族親疏車與騎乘領廐牧署
令丞唐因之加掌儀仗喪葬而不掌親族丞主簿各一
人統廐牧署廐牧有令一人丞
二人掌車馬閑廐畜牧之事

左右衛率府

衛率府秦官漢因之屬詹事後漢主門衛
徵循衛士而屬少傅魏因之晉武帝建東

宮置衛率初曰中衛率泰始五年分為左右衛率各領
一軍惠帝時愍懷太子在東宮又加前後二衛率晉志
曰凡太子出前衛率導在前黃麾左右二率從夾導與
車後衛率從在烏皮外並帶戟執刀成都王穎為太弟
又置中衛率是為五率及江左省前後率孝武太元中
又置宋齊止置左右二率梁二率視御史中丞銅印墨
綬武冠絳朝服左率領七營右率領四營陳有一率後
魏曰左右衛率北齊謂之左右衛率坊後周東宮有司
戎司武司衛等員隋曰左右率兼有副率二人煬帝改
左右衛率為左右侍率兼置副率二人唐為左右衛率

府龍朔三年改其府為左右典戎衛咸亨元年復舊置
率各一人領兵宿衛督攝隊伍總判府事副率二人長
史錄事及倉兵曹參軍各一人
親府勳府翊府中郎將各一人

臣謹按晉劉卞為愍懷太子左率知賈后欲害太子
乃問張華華曰君欲如何卞曰東宮儻又如林四率
精兵萬人公居阿衡之任若得公命皇太子因朝使
錄尚書事廢賈后於金墉兩黃門力耳華不從賈后
微聞遷卞雍州刺史卞乃服藥卒又按隋以大臣領
其職蘇孝慈自兵部尚書拜左衛率尚書如故又按

唐以李靖為中書令行左衛率轉兵部尚書

左右司禦率府

隋文帝置左右宗衛其官制如左右衛各掌以皇族侍衛煬帝後為左右武衛

率唐後為左右宗衛率府龍朔二年改為左右司禦衛後改衛為率府馬副率二人長史錄事及倉兵曹參軍各一人

左右清道率府

隋有左右虞候各置開府一人唐開元初為清道率府各置率一人掌斥堠道

路先驅後殿伺察姦非副率二人長史錄事及倉兵曹參軍各一人

左右監門率府

隋左右監門率各置一人掌諸門禁煬帝改為監門將軍唐復為左右監門率

擬左右監門各置率一人掌門禁之籍副率二人長史錄事參軍及兵曹二曹參軍各一人

左右內率府

隋置左右率副率各一人掌領備身以上禁內侍衛供奉兵仗唐為左右內率府各

置率一人掌侍衛左右供奉兵仗副率長史錄事參軍及兵曹曹各一人千牛各十六人掌執細刀弓箭宿衛侍從備身各二十八人掌宿衛侍從

旅賁中郎將

一人職如虎賁中郎將宋初置天子有虎賁習武訓也諸侯有旅賁禦災害也唐諸


率府初有中郎郎將官永徽元年以太子名忠改諸率府中郎將為旅賁郎將其郎將改為翊軍後或改或省

太孫官屬

唐永淳元年三月立皇孫重照為皇太孫將置府寮高宗召吏部郎中王方慶問曰前代

故事如何方慶進曰按周禮有嫡孫漢魏以來皇太子在亦不立太孫晉惠帝永寧元年立愍懷太子第三子襄陽王尚為皇太孫太子官屬即轉為太孫官屬南齊永明十年立文惠太子長子南郡王昭業為皇太孫便

居東宮今皇太子在而立太孫旁求載籍未有前例上曰自我作古可乎對曰五帝不相沿樂苟不失上下之序不虧政理之道亦何事而不可詩曰貽厥孫謀以燕翼子禮曰君子抱孫不抱子孫可以為王父尸以其昭穆同也今陛下肇建皇孫胤斯盛典所以彰子孫千億之盛福祚靈長之應也上悅使方慶詳求典故官屬員品乃奏太孫府置師傅及文學祭酒及長史曹掾主簿管記司錄以下六曹從事等官各加王府一級後上頗以為疑竟不補授而止



通志卷五十五

欽定四庫全書

史部

通志卷五十六

詳校官侍讀臣陳萬青

編修臣裴謙覆勘

覆校官助教臣金學詩

校對官典簿臣劉光第

謄錄監生臣連彭年

欽定四庫全書

通志卷五十六

宋 右迪功郎鄭樵 漁仲撰

職官略第六

王侯第十

歷代王侯封爵 公主并官屬附

昔黃帝旁行天下分建萬國至于唐虞別為五等曰公侯伯子男則虞書所謂輯五瑞脩五玉是其制也夏與

唐虞同商制天子之田方千里公侯百里伯七十里子

男五十里不能五十里者不合於天子附於諸侯

鄭元云此

乃商所因夏
爵三等之制

凡四海之內九州州方千里州建百里之

國三十七十里之國六十五十里之國百有二十凡二

百一十國名山大澤不以封其餘以為附庸閒田凡九

州千七百七十三國千里之外設方伯五國為屬屬有

長十國為連連有帥三十國為卒卒有正二百一十國

為州州有伯八州八伯五十六正百六十八帥三百三

十六長八伯各以其屬屬於天子之老人分天下以
為左右曰二伯千里之內曰甸千里之外曰采周制封
王者後凡有功之諸侯大者地方五百里侯四百里伯
三百里子二百里男百里方千里曰王畿其外方五百
里曰侯服又其外方五百里曰甸服又其外方五百里
曰男服又其外方五百里曰采服又其外方五百里曰
衛服又其外方五百里曰蠻服又其外方五百里曰夷
服又其外方五百里曰鎮服又其外方五百里曰藩服

周之初列爵惟五公侯伯子男分土惟三公侯方百里伯方七十里子男方五十里並因商制至周公居攝制禮作樂列爵分土皆五等焉公五百里侯四百里伯三百里子二百里男一百里凡諸侯世子

世國大夫不世爵使人以德爵人以功

謂縣內及列國諸侯為天子大

夫者不世爵而世祿所以避賢也

諸侯有上大夫卿下大夫上士中士

下士凡五等諸侯之大夫不世爵祿公國孤一人

公之孤四

命

大國三卿皆命於天子次國三卿二卿命於天子一

卿命於其君

左傳曰管仲受下卿之禮避天子之二小守國高故也明國高是天子之命卿也

國三卿一卿命於天子二卿命於其君每國下大夫五

人上士二十七人大國之卿不過三命下卿再命小國之卿與大夫一命其士不命次國之上卿位當大國之中中當其下下當其上大夫小國之上卿位當大國之下卿中當其上大夫下當其下大夫至於周衰諸侯失制號令自己其名不一於是正卿當國謂之相而楚謂之令尹其他異同難悉數矣秦制爵二十等以賞功勞

二十徹侯

後漢志曰徹侯金印紫綬功大者食縣小者食鄉亭得臣其所食吏民後避漢武帝諱改

曰通侯或曰列侯

十九關內侯

顏師古曰言有侯號而居京畿無國邑也

十八大庶

長

劉昭曰自左庶長以上至大庶長皆軍將也所將庶人更卒故以為名大庶長即大將軍也左右庶長即

左右偏裨也

十七駟車庶長

言乘駟馬之車而為衆庶之長

十六大上造

言皆

主上造之士

十五少上造十四右更

言主領更率部其役事

十三中更

十二左更十一右庶長

言為衆列之長

十左庶長九五大夫

劉昭

曰自公士至五大夫皆軍吏也

八公乘

言得乘公家之車也劉昭曰自吏民爵不得過公乘過者得貴

與子孫若同產然則公乘皆軍吏之爵最尊

七公大夫

與下同

六官大夫

加官者示

稍尊也亦謂之國大夫

五大夫

列位從大夫

四不更

言不預更率之事

三簪褭

以組帶馬曰褭簪褭者主飾此馬

二上造

造成也言有成命於上

一公士

言有爵命異於

士卒劉昭曰步卒之有爵為士者也戰國之際秦項之間權設班寵有加賜邑君者蓋假其位號或空受其爵耳則田嬰為靖郭君白起為武安君魏冉弟為華陽君秦昭王弟為涇陽君及高陵君蔡澤為剛成君其後項梁為武信君陳餘為成安君李左車為廣武君漢興設之類是也至漢尤多蓋在封爵之外別加美號

爵二等曰王曰侯皇子而封為王者其實古諸侯也故謂之諸侯王王子封為侯者謂之諸侯羣臣異姓以功封者謂之徹侯大者不過萬家小者五六百戶以為差降而諸王國皆連城數十踰於古制其諸侯功德優盛朝廷所敬異有賜特進者其位在三公下其次列侯有

功德天子命為諸侯者謂之朝侯其位次九卿下皆平
冕文衣侍祠郊廟其稱侍祠侯者但侍祠而無朝位其
非朝侯侍祠侯而以下土小國或以肺腑宿親若公主
子孫或奉先侯墳墓在京師者亦隨時見會謂之猥諸

侯凡諸王侯皆金璽盤綬

古者印璽通名今則尊卑有別漢舊儀云諸侯王金印黃

金璽駝紐文刻曰某王之璽赤地綬列侯黃金印龜紐文曰某侯之印亦以紫綬

掌治其國王

常冠遠遊冠綬五采而多朱自稱曰寡人教曰令凡諸
侯王官傅為太傅相為丞相又有御史大夫諸卿皆秩

二千石百官皆如漢朝漢朝唯置丞相其御史大夫以下皆自置之及七國作亂之後景帝懲之遂令諸侯王不得治民令內史治之改丞相曰相省御史大夫廷尉

少府宗正博士官武帝改漢內史中尉郎中令之名

內史

為京兆尹中尉為執金吾郎中令為光祿勳

而王國如故職員皆不得自置

又令諸王得推恩封子弟為列侯於是齊分為七趙分為六梁分為五淮南分為三又令諸侯十月獻酎金不如法者國除作左官之律附益之法自後諸侯王唯得

衣食稅租至成帝綏和元年省內史更令相治民

大司空何

武奏罷內史相如太守中尉如都尉參職是後中尉爭權與王相奏常不和

太傅但曰傳漢

初論功封列侯者凡百四十有三人

蕭何為冠

外戚與定天

下侯者二人凡列侯金印紫綬大者食縣小者食鄉亭

得臣其所食吏民凡皇帝之女公主皆列侯尚之王國

有傳

初曰太傅後除太字

相

本統眾官後省內史而相理民如郡太守史記曰曹參相齊又曰石慶為

齊相舉國皆慕其家行不言而齊國大治而為立石相社也

內史

治國中尉掌武事

中尉

掌武郎

中令

秩千石墨綬

僕

本曰太僕改曰僕墨綬

文學

宋志云前漢國已置文學

大司

農衛士長太倉長列侯國亦有相餘畧與王國同公主

有家令門尉亦有賜重封者

顏師古曰重封謂加二號耳

成帝鴻嘉

三年詔七大夫以上皆令食邑

秦本制列侯乃得食邑七大夫即公大夫非

七大夫以下皆復其身及戶勿事是歲又令吏民得買

爵賈級千錢後漢爵亦二等皇子封王其郡為國其列

侯雖鄧寇元勲所食不過四縣為侯國舊制列侯奉朝

請在長安者皆位次三公中興以來唯以功德賜位特

進者次車騎將軍賜位朝侯次五校尉賜位侍祠侯次

大夫其餘以肺腑及公主孫子或奉墳墓亦為猥諸侯

漢官儀曰皇后父兄率為特進侯朝會位次以次三公

明帝為四姓小侯開立學

校置五經師

外戚樊氏郭氏陰氏馬氏諸子弟立學號曰四姓小侯以非列侯故曰小侯

諸

王封者受茅土歸以立社罪侯歸國不得臣吏民至獻

帝建安初封曹操為費亭侯之制自此始也二十年曹

公始置名號侯置五大夫與舊列侯關內侯凡六等以

賞軍功初漢制皇女皆封縣公主儀服同列侯其尊崇

者加號長公主儀服同蕃王諸王女皆封鄉亭翁主儀

服同鄉亭侯

漢諸王女亦謂之翁主漢書謂齊厲王姊為紀翁主以紀氏所生因以為號

章

帝唯特封東平憲王蒼琅邪孝王京女為縣公主其後

漢安帝姊妹亦封長公主同之皇女

蔡邕獨斷曰漢帝子女曰公主儀比

諸侯姊妹曰長公主儀比諸侯王也

其皇女封公主者所生之子襲母封

為列侯皆傳國于後鄉亭之封則不傳襲

永初元年鄧太后封清河

孝王慶女十一人皆為鄉公主分食邑奉

王國有傳

如師不臣二千石

相秩二千石刁曜為魯

相行縣三老執轡學官處士皆乘馬隨後所領亭鄉傳報講經

內史

如郡丞

中尉郎中令

掌五大夫郎中宿衛如光祿勳

僕

主車馬

治書

奉使至京都

謁者禮樂長衛士

長醫工長永巷長祠祀長郎中其紹封削絀者中尉內

史官屬亦以率減列侯國置相

其秩各如本縣主治民如令長不臣也但納租

于侯以戶數為限

其官隨國大小為增減食邑千戶以上置家

丞庶子各一人不滿千戶則不置家丞舊置行人洗馬

門大夫等官又悉省諸公主各置家令一人魏黃初三

年初制封王之庶子為鄉公嗣王之庶子為鄉侯公之

庶子為亭侯其後定制凡國王公侯伯子男六等次縣

侯次鄉侯次亭侯次關內侯又置名號侯爵十八級關

中侯爵十七級皆金印紫綬又關外侯十六級銅印龜
紐墨綬五大夫十五級銅印環紐亦墨綬自關內侯皆
不食租虛封爵自魏始而有保傅相常侍侍郎郎中令
中尉大農文學友謁者大夫諸雜署令丞公主有家令
僕丞行夜督郵王太妃有家令僕丞晉亦有王公侯伯
子男六等之封晉令曰有開國郡公縣公郡侯縣侯伯
子男及鄉亭關中關內外等侯之爵
唯安平郡公孚邑萬戶制度如魏諸王其餘縣公邑千
八百戶地方七十五里大國侯邑千六百戶地方七十

里次國侯邑千四百戶地方六十五里大國伯邑千二百戶地方六十里次國伯邑一千戶地方五十里大國子邑八百戶地方五十里次國子邑六百戶地方四十里男邑四百戶地方四十里武帝受禪之初秦始皇元年封建子弟為王二十餘人以郡為國邑二萬戶為大國置上中下三軍兵五千人邑萬戶為次國置上軍下軍兵三千人邑五千戶為小國置一軍兵千五百人王不之國宮於京師罷五等之制公侯邑萬戶以上國為大

國五千以上為次國不滿五千戶為小國初雖有封國

而王公皆在京師咸寧三年詔徙諸王公皆歸國

時楊珧荀

勗以齊王攸有時名懼惠帝有後難乃追故司空裴秀以立建之旨遂詔王公悉令歸國

乃更制戶

邑皆中尉領兵其平原汝南琅邪扶風齊為大國梁趙

樂安燕安平義陽為次國其餘為小國

既遣就國而諸公皆戀京師涕

泣而去

凡名山大澤不以封鹽鐵金銀銅錫始平之竹園

別都宮室園囿皆不為屬國其仕在天朝者與之國同

皆自選其文武官諸人作卿士而其世子年已壯者皆

遣涖國其王公侯以下茅社符璽車旗命服一如泰始

故事凡王金印龜紐練朱綬遠遊三梁冠絳紗朝服佩

山元玉

開國縣公郡公金章阜朱紱綬郡侯青朱綬同進賢三梁冠絳朝服佩山元玉開國縣侯伯子

男金章朱墨綬冠佩亦同

初武帝踐阼封宣帝孫永為東莞郡王始

置二卿侯以下置官屬隨國大小無定制諸侯並三分

食一東晉元帝太興元年始置九分食一

元帝以西陽王義屬尊元

會特為設牀明帝以義皇室元老特為之拜成帝詔王義依安平獻王孚故事設牀帳於殿上帝親迎拜王

國有傳

傳即師也以景帝諱師故曰傳友

武帝初置一人蓋因文王仲尼四友之名

典書令

丞掌國教令職官錄曰漢制本曰尚書改為治文學人

郎中令中尉大農

此為三卿

左右常侍

大國各二人次國各一人掌贊相獻替

內史

改太史為內史又晉書曰改國相為內史

將軍

大國上中下軍三將軍次國上下二軍將軍各

一人小國用上軍而已

典祠典衛學官令治書中尉司馬世子庶

子陵廟牧長謁者中大夫舍人典府等其後省相及僕

省郎中置侍郎二人公侯以下國官屬遞減

晉書曰詔以壽光公

鄭冲及朗陵公何曾國皆置郎中令又曰元帝初渡江即晉王位諸參軍奉車都尉掾屬者百餘人時皆謂之

曰百六掾宋氏一用晉制唯大小國皆有三軍凡王子為侯

者食邑皆千戶諸王世子皆金印紫綬進賢兩梁冠佩
山元玉初江夏王義恭為孝武所忌憂懼故奏革諸侯
聽事不得南向坐國官正冬不得跣登國殿及夾侍障
扇不得雉尾劍不得鹿盧形刀不得過銀銅為飾詔可
王國有師改傳為之自內史相記室以下官多與晉同凡郡

縣內史相並於國主稱臣去任便止孝武孝建中始革
此制不得追敬不得稱臣止宜云下官而已齊封爵史
闕王國有師諮議文學等官公侯置郎中令卿一人餘

與晉宋同梁封爵亦如晉宋之制諸王皆假金獸符第一至第五左竹使符第一至第十左諸公侯皆假銅獸符竹使符第一至第五名山大澤不以封鹽鐵金銀銅錫及竹園別都宮室園圃皆不以屬國諸王言曰令境內稱之曰殿下公侯封郡縣者言曰教境內稱之曰第下自第下稱皆曰寡人諸王公侯國官皆稱臣上於天朝皆稱陪臣王國置傅相公以下則臺各為選置之皆掌知民事郎中令將軍常侍典書令典衛長伯子無典祠等官若王加將

軍開府則置長史司馬及記室掾屬祭酒主簿錄事官
屬嗣王則唯置郎中令中尉常侍大農藩王則無常侍
制與後漢同陳置九等公王有家令之制郡有王嗣王
藩王開國郡縣公開國縣侯開國縣伯開國縣子開國
縣男沐食侯鄉亭侯關內侯關外侯鄱陽王之封也遣
度支尚書蕭睿持節兼太宰告于太廟五嶽尚書王質
持節兼太宰告于太社凡親王起家則為侍中若將軍
方得有佐史無將軍則無府止有國官皇太子子冢嫡

者封王依諸王起家餘子並封公起家中書郎諸王子

并諸侯代子起家給事

王公子起家員外散騎侍郎令僕子起家祕書郎若員滿亦為

版法曹次令僕子起家著作佐郎亦為版行參軍外有揚州主簿太學博士國常侍奉朝請嗣王行參軍並起

家官皇弟皇子府置師長史司馬從事中郎諮議參軍友

掾屬記室等官其嗣王藩王府則遞減之王國置郎中

令將軍常侍典祠令舍人等官其嗣王藩王則遞減其

員後魏道武皇始元年始封五等至天賜元年減五等

之爵始分為四曰王公侯子除伯男之號皇子及異姓

元功上勲者封王皇族及始藩王皆降為公諸公降為侯子於是封王者七十人公者二十二人侯者七十九人子者百有三人王封大郡公封小郡侯封大縣子封小縣其後復加伯男焉孝文太和八年詔凡王公侯伯子男開國食邑者王食半公三分食一侯伯四分食一子男五分食一舊制諸鎮將刺史假五等爵及有所貢獻而得假爵者皆得世襲延興二年詔革此類不得世襲又舊制諸以勲賜官爵者子孫世襲并襲軍號後改

降五等始革之止襲爵而已凡公主皆嫁于賓附之國

朝臣子弟雖名族美彥不得尚焉

後魏道武帝因見漢書婁敬說高帝欲以

魯元公主妻匈奴良久故立此制矣

諸王侯各亦有師友文學侍郎掾屬

舍人等官

時王國舍人應取八族及清脩之門

公主有家令丞

高平公主薨欲使公

主家令居廬制服太常博士常景曰婦人無專國之理婦人為君男子為臣古禮初不載則家令不得為純臣

公主不得為正君明矣乃寢

北齊有王公侯伯子男六等之爵王位

列大司馬上非親王則在三公下封內之調盡以入臺

三分食一公以下四分食一王置師一人餘官大抵與

晉宋梁制不異公主則置家令丞等官後周制有公侯
伯子男五等爵者皆加開國授柱國大將軍開府儀同
者並加使持節大都督皇弟皇子置友及學士等員外
餘吏闕聞隋開皇中制國王郡王國公郡公縣公侯伯
子男凡九等

樊子蓋進爵封為濟公言其功
濟天下特為立名無此郡國

至煬帝唯

留王公侯三等餘並廢之皇伯叔昆弟皇子是為親王
及大長公主長公主皆置官屬親王置師友文學長史
司馬詔議掾主簿錄事功曹記室戶倉兵騎法士等曹

參軍等東西閭祭酒參軍事典籤等員嗣王無師友煬
帝更名王府參軍為諸司書佐屬參軍則直以屬為名
改國令為家令餘以國為名者皆去之諸公主各置家
令丞主簿謁者舍人等員郡主唯無主簿唐高祖之初
以天下未定廣封宗室從弟及姪年始孩童數十人皆
封為郡王太宗即位問侍臣曰徧封宗子於天下便乎
右僕射封德彝對曰不便歷觀往古封王者今日最多
兩漢以降唯封帝子及親兄弟若宗室疎遠者非有大

功如周之卹滕漢之賈澤並不得濫叨名器所以別親疎也先朝敦睦九族一切封王爵命既崇多給力役蓋以天下為私殊非至公馭物之道也太宗然之於是率以屬疎降爵唯有功者數人得王餘並封縣公貞觀二年十二月太宗謂公卿欲使子孫長久社稷永安其理如何右僕射蕭瑀對曰臣觀前代國祚所以長久者莫不建諸侯以為磐石之固秦併六國罷侯置守二代而亡漢有天下參建藩屏年踰四百魏晉廢之不能永久

封建之法實可遵行始議裂土之制禮部侍郎李百藥
上議曰自古皇王君臨寓內莫不受命上元飛名帝錄
祚之長短必在天時政或盛衰有關人事而述著之家
多守常轍莫不情忘今古理蔽澆淳欲以百王之季行
三代之法也中書侍郎顏師古論曰臣愚以為當今之
要莫如量其遠近分置王國均其戶邑彊弱相齊畫野
分疆不得過大間以州縣雜錯而居互相維持永無傾
奪使各守其境而不能為非協力同心則足扶京室特

進魏徵又陳五不可之議六年監察御史馬周上牋大畧如李百藥且謂宜賦以茅土疇其戶邑必有材行隨器方授十一年六月詔荆王元景等二十一王為諸州都督刺史咸令子孫代代承襲非有大故無或黜免其後並不願行迺止後定制皇兄弟皇子為王皆封國之

親王

龍朔二年制諸王王子嫡者封郡王任職從四品下叙其衆子封郡公從五品上叙貞觀中王珪奏

曰三品以下遇親王於塗皆降乘違法申敬有乖儀准太宗曰卿皆自尊而卑吾子乎魏徵曰自古迄今親王班次三公之下今三品者皆天子公卿及八座之長為王降乘非王所宜當也詔從之

親王府各

置官屬

凡府官國官王未出閭則不置

太子男封郡王其庶姓卿士功

業特盛者亦封郡王

自至德元年至大歷三年封異姓之人為王者凡百十二人

其

次封國公其次有郡縣開國公侯伯子男之號亦九等

並無官土其加實封者則食其封分食諸郡以租調給

自武德至天寶實封者百餘家自至德二年至大歷三年食實封者二百六十五家凡食四萬四千八百有六

十十六年置王府官以四考為限嗣聖二年初置公府

官員武太后天授二年又置皇孫官員皇姑為大長公

主

後亦謂之長公主

姊為長公主女為公主皆封國視正一品

太子女為郡主封郡視從一品親王女為縣主封縣正
二品凡諸王及公主皆以親為尊皇之昆弟妹先拜於
皇子上書稱啓神龍初下詔革之開元四年三月制下
詔封諸國自始封至曾孫其封戶三分減一十年加永

穆公主封千戶

初永穆等各封五百戶左右云太薄上曰戰士出萬死不顧一生所賞賜纔不

過一二十足此輩何功於人頓食厚封約之使知儉嗇不亦可乎左右以長公主皆二千戶請與比上曰吾嘗讀後漢書見明帝曰朕子不敢望先帝子車服下之吾未嘗不廢卷歎息如何欲令此輩望長公主乎左右不敢復言至是公主等車服殆不給故凡諸王及公主以加焉自後公主皆封千戶遂成其例

下所食封邑皆以課戶充州縣與國官邑官共執文帳
准其戶數收其租調均為三分其一入官其二入國公
所食邑則全給焉二十年五月敕諸食邑實封並以三

丁為限不須一分入官其物仍令封隨租調送入京親

王府置傅一人

師範輔導參議可否初置王師景雲二年改為傅

詔議參軍一

人

弼政幕府詔謀庶事

友一人

陪隨左右拾遺補闕

文學二人

修撰文章警校經史

東

西閤祭酒各一人

接引賓客

長史司馬各一人

通判掾一人

通判

公曹戶屬一人

通判兵騎

法士四曹

主簿一人

覆省教命

記室參軍二

人掌表啟書疏
宣行教命

錄事參軍一人

受事勾檢

功曹倉曹戶曹兵

曹騎曹法曹士曹等參軍各一人

各有所主

參軍二人行參

軍四人

掌出使及雜檢校

典籤二人

宣傳教命

親事府置典軍副典

軍各二人

掌守衛陪從

執仗親事

執弓刀衛仗

執乘親事各十六

人

供進騎乘

親事三百三十三人帳內府置典軍副典軍各

三人

掌儀衛陪從兼知鞍馬等司事

帳內六百六十七人親王國國令

一人大農二人

通判國司

尉二人

分判

丞一人

監印勾稽

小吏有差

若府主薨則諸府佐視事帳內過葬追退

雖無妻子亦准此

其

國官聽終喪

若有襲爵者聽其迴事

諸公主邑司有家令丞錄事

各一人

並隸宗正寺出降者不置

州郡第十一上

司隸校尉

司隸周官也掌五隸之法帥其民而捕盜賊漢武帝征和四年初置司隸校尉持節從中

都官徒十二百人捕巫蠱督大姦猾後罷其兵察三輔三河弘農晉志曰漢武帝初置十三州刺史各一人又置司隸察三輔三河弘農七郡元帝初元四年去節後諸葛豐為司隸又加節尋復去之司隸去節自豐始也成帝元延四年省綏和二年哀帝復置但為司隸除校尉字冠進賢冠屬大司空比司直司隸掌察皇太子以下行馬內事皆主之專道而行專席而坐初除皆謁兩府謂丞相御史也後漢復為司隸校尉所部河南尹河

內右扶風左馮翊京兆尹河東弘農凡七郡始河南洛陽無所不糾唯不察三公廷議處九卿上朝賀處公卿下凡司隸屬官有從事史十二人其都官從事史特為雄劇主察百官之犯法者魏晉司隸與二漢同司隸於端門外坐在諸卿上絕席其入殿按本品秩在諸卿下不絕席鍾會為司隸雖在外司時政損益當世與奪無不畢綜初以司隸官屬制置如州儀而俗稱司州及晉魏乃以京輔所部定名置司州以司隸校尉統之及東晉渡江罷司隸校尉官變其職為揚州刺史後魏北齊為司州牧後周有司隸下大夫掌五隸及徒者捕盜賊囚執之事屬大司寇隋初有雍州牧後煬帝置司隸臺有大夫一人掌諸巡察薛道衡為司隸大夫別駕二人分察畿內一人按東都一人按京師後又罷司隸臺而留司隸從事之名不為常員臨時選京官清明者權攝以行唐無司隸校尉而有京畿採訪使亦其職也

州牧刺史

黃帝立四監以治萬國唐有九州舜置十二州有牧夏為九州牧商周八命曰牧秦置監

察御史漢興省之至惠帝三年又遣御史監三輔郡察詞訟所察之事凡九條監者二歲更之常以十月奏事十二月還監其後諸州復置監察御史文帝十三年以御史不奉法下失其職乃遣丞相史出刺并督監察御史武帝元封元年御史止不復監至五年乃置部刺史掌奉詔六條察州凡十二州焉居部九歲舉為守相成帝綏和元年以為刺史位下大夫而臨二千石輕重不相準乃更為州牧秩真二千石位次九卿九卿缺以高第補哀帝建平二年復為刺史元壽二年復為牧後漢光武建武十八年復為刺史外十二州各一人其一州屬司隸校尉漢刺史乘傳周行郡國無適所治中興所治有定處舊常以八月巡行所部錄囚徒考殿最歲盡詣京都奏事中興但因計吏不復自詣京師雖父母之喪不得去職或謂州府為外臺謝夷吾為荊州刺史第

五倫薦之曰尋功簡能為外臺之表聽察聲實為九伯之冠靈帝中平五年改刺史准置牧是時天下方亂豪傑各欲據有州郡而劉焉劉虞並自九卿出領州牧州牧之任自此重矣舊制州牧奏二千石長史不任位者事皆先下三公三公遣掾史按驗然後黜退光武即位以來不用舊典時用法明察不復委任三府故權歸舉刺之吏魏晉為刺史任重者為使持節都督輕者為持節皆銅印墨綬進賢兩梁冠絳朝服而領兵者武冠西晉罷司隸置司州江左則揚州刺史自魏以來庶姓為州而無將軍者謂之單車刺史凡單車刺史加督進一品都督進二品不論持節假節晉制刺史三年一入奏宋與魏同梁刺史受之明日辭宮廟而行皆持節後魏天錫二年又制諸州置三刺史皇室一人異姓二人北古之上中下三士也郡置三太守縣置三令長自後魏北齊則司州曰牧而北齊制州為上中下三等每等有上中下之差自上上州至下下州凡九等後周則雍

州曰牧而制刺史初除奉辭之曰備列鹵簿凡總管刺史則加使持節諸軍事以此為常及蕞綽為六條之制初文帝秉魏政令百官誦習其牧守令長非通六條及計帳者不得居官靜帝大象元年詔總管刺史及行兵者加持節餘悉罷之隋雍州置牧餘州並置刺史亦同北齊九等之制總管刺史加使持節至開皇三年置郡以州統縣自是刺史之名存而職廢刺史縣令三年一遷諸有兵處則刺史帶軍事以統之十四年改九等州縣為上中下凡三等煬帝大業初復罷州置郡為司隸臺大夫一人巡察畿內其刺史十四人巡察畿外諸郡亦有六條之制與漢六條不同從事四十人副刺史巡察每年二月乘輅巡郡縣十月入奏唐武德元年罷郡置州而雍州置牧至神龍二年二月分天下為十道置巡察使二十人以左右臺及外內官五品以下堅明清勁者為之兼按郡縣再暮而代至景雲二年改置按察使道各一人開元十年省十七年復置二十二年改置

採訪處置使治於所部之大郡其有戎旅之地即置節度使仍各置郎天寶九年三月勅本置採訪使令舉天下大綱若大小必由是一人兼理數郡自今已後採訪使考察善惡舉其大綱自餘郡縣所有奏請並委郡守不須干及至德之後改採訪使為觀察并領都團練使其僚屬隨事增置分天下為四十餘道大者十餘州小者二三州各因其山川區域為制諸道增減不常員額自天寶以後因十五事再置措置使訪察河東西及京師以來運司採訪各以其職再建屯田使又使名沿革不一其職事攝置運使司又至開元勅錄令諸道置隨軍監察御史各守司隸政事又自建中元年定矣

臣謹按漢制刺史以六條問事非條所問即不省一條彊宗豪右田宅踰制以彊陵弱以衆暴寡二條二

千石不奉詔書遵承典制背公向私旁緣牟利侵漁
百姓聚斂為姦三條二千石不卹疑獄風厲殺人怒
則任刑善則任賞煩擾刻暴剝截黎元為百姓所疾
山崩石裂妖祥訛言四條二千石選辟不平苟阿所
愛蔽賢寵頑五條二千石子弟恃怙榮勢請託所監
六條二千石違公下比阿附豪彊通行貨賂割損正
令又按後周六條之制其略曰其一先治心心不清
淨則思慮妄生見理不明是以治民之要在於清心

而已其二敦教化其三盡地利其四擢賢良其五卹

獄訟其六均賦役

總論州佐

別駕

治中

主簿

功曹書佐

部

郡國從事

典郡書佐

祭酒從事史

中正

都督

都護

州之佐吏漢有別駕治中主簿功曹書佐簿曹

簿曹從事史主

錢穀簿書

兵曹

兵曹從事史有軍事則置之以主兵事

部郡國從事史典郡書

佐等官

又有孝經師主監試經月令師主時節祠祀律令師主平法律

皆州自辟除通

為百石

又後漢書或云秩六百石

職與司隸官屬同唯無都官從事

漢魏之際復增祭酒文學從事員晉又有武猛從事員

其州邊遠有山險寇賊者置弓馬從事五十人

歷代職員互相因襲雖小有更

易而大抵不異自魏晉已後刺史多帶將軍開府則州

與府各置僚屬州官理民

別駕治中以下是

府官理戎

長吏司馬等官

是後魏舊以州牧親民班九條之制使前政通吏以待

後人獻文帝革制刺史守宰到官之日仰自舉擇以為

選官若簡任失所以罔上論自孝明孝昌以後四方多

難刺史太守皆為當部都督雖無兵事皆立僚佐頗為

煩擾高隆之乃表請自非實在邊要見有兵馬者悉皆
斷之北齊上上州刺史屬官佐吏合三百九十三人以
下州遞減十人其州郡佐吏皆州府辟除及後主失政
賜諸佞幸賣官分州郡下逮鄉官多降中旨故有勅用
州主簿郡功曹者後周刺史府官則命於天朝州吏並
牧守自置至隋以州為郡無復軍府則州府之吏變為

郡官矣唐亦無州府之名而有採訪使及節度使

節度使說

見都督篇

採訪使有判官二人

分判尚書六行事及州縣簿書

支使二人

分節

吏出入職如節度使之隨車

推官一人

推鞠獄訟

皆使自辟召然後上聞

未奉報者稱攝

其節度防禦等使寮佐辟奏之例亦如之

今舉州之舊職以

列于左

舊職謂隋以前州職

別駕從事史

一人從刺史行部別乘一乘傳車故謂之別駕漢制也歷代皆有之隋唐並為郡佐

臣謹按庾亮答郭豫書云別駕與舊刺史別乘同流

宣王化於萬里其任居刺史之半

治中從事史

一人居中治事主衆曹文書漢制也歷代皆有隋為郡官唐改為司馬

主簿

一人錄門下衆事省署文書漢制也歷代隋皆有之

功曹書佐

一人主選用漢制也其司隸功曹從事史兼錄衆事晉以來改功曹為西曹書佐宋有別

駕西曹主吏及選舉
即漢之功曹書佐也

部郡國從事史

每郡國各一人漢制也主督促文書舉非

典郡書佐

每郡國各一人漢制也各主一郡文書以郡吏補歲滿一更

祭酒從事史

漢魏以來置宋世分掌諸曹兵賊倉戶水鎧之事自江左揚州無祭酒而以主簿代

也之

中正

陳勝為楚王以朱房為中正而不言職事兩漢無聞魏司空陳羣以天臺選用不盡人才擇州之才

優有照鑒者除為中正自拔人才銓定九品州郡皆置吳有大公平亦其任也晉宣帝加置大中正故有大小

中正其用人甚重齊梁亦重焉後魏有之北齊郡縣皆有其本州中正以京官為之隋有州都其任亦重唐以來無之

臣謹按晉劉毅年七十已告老後舉為青州大中正尚書以毅致仕不宜勞以碎務孫尹表曰司徒魏舒司隸嚴詢與毅年齒相近管四十萬戶州兼董司百僚總攝機要舒所統既廣兼執九品銓十六州議者不以為劇昔鄭武公年過八十八為司徒毅志氣聰明一州品第不足勞其思慮毅遂為州都銓正人流

清濁區別其所彈貶自親貴始

都督

總管節度團練都統使附後漢光武建武初征伐四方始權制督軍御史事後罷建安中魏武為

相始遣大將軍督之而袁紹分沮授所統諸軍以授郭圖淳于瓊為三都督魏武征孫權還又使夏侯惇督二十六軍魏文帝黃初三年始置都督諸州軍事或領刺史又上軍大將軍曹真都督中外諸軍假黃鉞則總統外內諸軍矣明帝太和四年司馬懿征蜀加號大都督高貴鄉公正元二年司馬昭都督中外諸軍尋加大都督及受晉禪則都督諸軍為上監諸軍次之督諸軍為下使持節為上持節次之假節為下使持節得殺二千石以下持節殺無官位人若有軍事則與使持節司假節唯軍事得殺犯軍令者及伐吳之後以賈充為使持節假黃鉞大都督統領六師兼給羽葆鼓吹緹幢兵萬人騎二千置左右司馬長史左右中郎增參軍騎司馬

各十八帳下司馬二十人大車官騎各三十人及太康
中都督知軍事刺史治民各用人也至憲帝末乃并任
非要州則單為刺史江左以來都督中外尤重唯王導
等權重者乃居之宋氏人臣無居者唯江夏王義恭得
假黃鉞則專戮節將非人臣常器又有都督諸州諸軍
事者則為常職舊曰監某州諸軍事文帝即位改監為
都督後魏有都督中外諸軍永安以後遠近多事置京
畿大都督總攝軍民立府置佐後周改都督諸軍為總
管則總管為都督之任矣又有大都督帥都督都督至
隋三都督並以為散官煬帝改大都督為校尉帥都督
為旅帥都督為隊正按此都督之名微矣隋文帝以并
益荆揚四州置大總管其餘總管府置於諸州列為上
中下三等加使持節節煬帝悉罷之唐諸州復有總管亦
加號使持節刺史持節武德元年諸州總管亦加號使
持節五年以洛荆并幽交等州為大總管府七年改隋
上大都督為驍騎尉大都督為飛騎尉帥都督為雲騎

尉都督為武騎尉又改大總管府為大都督府總管府
為都督府舊洛州已置都督府武德四年廢府置大行
臺復有行軍大總管者蓋有征伐則置於征伐所之道
以督軍事自武德以來亦有元帥之號太宗為秦王加
西討元帥中宗為周王為洮河道元帥睿宗為相王為
并州道行軍元帥安祿山反後天寶十五載哥舒翰為
諸道兵馬元帥其後李光弼郭子儀復為副元帥太極
初并蓋荆揚為四大都督府開元十七年加潞州為五
馬其餘都督並為上中下等上都督府五中都督府十
三下都督府十六前後置制改易不常難可備敘凡大
都督府置都督一人掌所管都督諸州城隍兵馬甲仗
食糧鎮戍等親王為之多遙領其任亦多為贈官長史
居府以總其事分天下州縣制為諸道每道置使治於
所部即採訪防禦等使也其邊方有寇戎之地則加以
旌節謂之節度使自景雲二年四月始以賀拔延嗣為
涼州都督充西河節度使其後諸道因同此號得以軍

事專殺行則建節府植六蘇外任之重莫比焉本皆兼
度支營田使開元九年十一月勅其河東河北不須別
置並令節度使兼充有副使一人行軍司馬一人申習
法令判官二人分判倉兵騎胄四曹事副使及行軍司
馬通署掌書記一人掌表奏書檄參謀無員或一人或
二人參預謀畫隨軍四人分使出入開元中凡八節度
使磧西河西隴右朔方河東幽州劔南嶺南是也後更
增加兼改名號蓋古之都督持節江右四中郎將近代
行軍總管之任凡將帥出行兵滿萬人以上則置長史
司馬倉兵等曹參軍若萬人以下員數遞減至德以來
天下多難諸道皆聚兵增節度使為二十道其非節度
使者謂之防禦使以採訪使并領之採訪理州縣防禦
理軍事初節度與採訪各置一人天寶中始一人兼領
之代宗為廣平王時充天下兵馬元帥親總軍旅克定
禍亂以大臣宿將郭子儀李光弼隨其方面以為副謂
之副元帥以督諸道事及德宗踐阼以雍王為之王升

儲宮而元帥關乾元中又置都統使監總管諸道或領三道或領五道皆古方嶽牧伯之任也上元末省都督後又改防禦使為團練守捉使皆主兵事而無旌節僚屬省減有副使一人掌貳使事判官二人分判軍事自永泰以來都團練使守捉使皆主兵事稍有加置而任使則擇之

臣謹按宋武帝起義兵討桓元既平京口向建鄴以孟昶為長史總攝後事及討司馬休之伐荊州以中軍將軍劉道憐監留府事皆留後之任也自後無代無之不復遍舉

都護

漢宣帝地節二年初置西域都護為加官也或以騎都尉諫議大夫使護西域三十六國有副校尉

始以鄭吉為之後廢至後漢永平十七年復置班超為西域都護大破焉耆尉黎斬其主自是西域降服納質者五十餘國晉宋以後有都護之官亦其任也齊書曰廣州西南有二江川源深遠別置督護專征討之陳伯超為江西都護沈顗為江南都護唐永徽中始於邊方置安東安西安南安北四大都護府後又加單于北庭都護府府置都護一人掌所統諸蕃征討斥候安輯蕃人及諸賞罰總判府事副都護二人掌貳都護事長史司馬各一人錄事功曹倉曹戶曹兵曹法曹參軍各一人參軍事三人

州郡第十一

京兆尹 左馮翊 右扶風 河
南尹 留守附

京兆

周官有內史秦因之掌治京師漢景帝二年分置左右內史武帝泰初元年更名右內史為京兆尹

絕高曰京十億曰兆大衆所聚故曰京兆更名左內史為左馮翊馮翊輔佐也秦官有主爵中尉掌列侯漢景

帝中元六年更名都尉武帝太初元年更名右扶風扶
助風化也與左馮翊京兆尹是為三輔治長安城中三
輔黃圖曰長安以東為京兆尹長陵以北為左馮翊渭
城以西為右扶風皆治在城中故趙廣漢歎曰亂吾治
者三輔也誠得兼之直差易耳銀章青綬進賢兩梁冠
絳朝服佩水蒼玉凡州所監都為京師置尹一人丞一
人漢初三輔治長安後漢都雒陽置河南尹以三輔陵
廟所在不改其號但減其秩與太守同後漢左馮翊右
扶風屬司隸尋省魏晉為京兆太守後周都關中又為
京兆郡隋京兆郡置尹併佐吏合二百四十四人唐京
兆府本為雍州置牧一人以親王為之太宗為秦王中
宗為英王睿宗為相王時並居其任多以長史治民開
元元年改雍州為京兆府置牧如故掌宣導風俗肅清
所部或以親王居閤而遙領焉初雍州置別駕以貳牧
守事永徽中改別駕為長史開元中改雍州長史為京
兆府尹總理衆務凡前代帝王所都皆曰尹南朝曰丹

陽尹後魏初曰代尹東魏曰魏尹齊曰清都尹河南尹
其地在周為王城成王命君陳分正東郊成周曰尹茲
東郊蓋今河南牧之任亦留守之始也秦兼天下置三
川守三川河洛伊也漢興更名三川為河南後增守為
太守王莽改太守為大尹改河南大尹為保忠信卿光
武中興徙都洛陽改太守為尹章綬服秩與京兆尹同
特奉朝請魏晉皆為河南尹後魏太和中遷都洛陽又
置河南尹東魏置洛州刺史後周置洛州總管尋罷之
隋初為洛州刺史後為河南內史大業初為荊河州刺
史又為河南太守尋為河南尹與京兆同唐武德四年
置洛州都督貞觀十七年改為刺史顯慶二年置東都
改刺史為長史而洛州置牧一人以親王為之中宗為
周王時及衛王重俊並居其任多以長史治民至開元
元年改洛州為河南府改長史為尹其牧尹之制一如
京兆諸曹寮佐亦如之各有少尹二員通判府事按京
兆少尹魏晉以來治中之任隋文帝改為司馬煬帝又

改為贊治後又改為丞武德初復為治中永徽元年又以大皇帝諱改為司馬本一員太極元年雍洛二州各加司馬一員分為左右開元元年並改為少尹開元以後增置太原府為北京官屬制置悉同兩京初武太后長壽元年以并州后之故里改為北都神龍初廢開元十一年又以并州高祖起義之始復置太原府號曰北京初開元元年正月於蒲州置中都改州為河中府至六月而罷後上元元年復置峽州為鳳翔府又以益州為成都府留守周之君陳則其任也此後無聞後漢和帝南巡祠園廟張禹以太尉兼衛留守晉張方劫惠帝幸長安僕射荀藩等與其遺官在洛陽為留臺承制行事號東西臺至安帝時劉裕置留臺具百官又後魏孝文南伐之時以太尉元丕廣陵王羽為留守京師加持節留守因此始也

郡太守

郡守秦官秦滅諸侯以其地為郡置守丞尉各一人守治民丞佐之尉典兵漢景帝中元二年

更名郡守為太守凡在郡國皆掌治民進賢勸功決訟
檢姦常以春行所主縣秋冬遣無害吏按訊諸囚平其
罪法論課殿最并舉孝廉漢制歲盡遣上計掾史各一
人條上郡內衆事謂之計偕簿郡為諸侯王國者置內
史以掌太守之任宣帝以為太守吏民之本數變易則
下不安民知其將久不可欺罔乃服從其教化每拜刺
史守相輒親見問觀其所由退而考察以質其言嘗稱
曰與我共治者唯良二千石乎是以漢世良吏於斯為
盛稱中興馬成帝綏和元年省內史以相治民則相職
為太守王莽改太守曰大尹後漢亦重其任或以尚書
令僕射出為郡守鍾離意黃香桓榮胡廣是也或自郡
守入為三公虞延第五倫桓虞鮑昱是也三國時有郡
守國相內史晉郡守皆加將軍無者為耻晉宋守相內
史並銀章青綬進賢兩梁冠後魏初郡置三太守孝文
初二千石能靜二郡至三郡者遷為刺史太和中次職
令太守內史相縣令並以六年為限北齊制郡為上中

下三等每等又有上中下之差自上郡至下郡凡九等後周郡太守各以戶多少定品命隋郡太守如北齊之制至開皇三年罷天下諸郡以州統縣時楊尚希上表曰當今郡縣倍多於古十羊九牧人少官多請存要去閒併小為大帝嘉之遂罷諸郡大業三年又改州為郡郡置太守唐武德元年改郡為州改太守為刺史加號持節後加號為使持節諸軍事而實無節但頒銅魚符而已天寶元年加州為郡刺史為太守自是州郡史守更相為名其實則一太宗初理天下重親民之任疏督守之名于屏俯仰視焉其人善惡必書其下是以州郡無不率理逮貞觀之末升平既久羣士多慕省閣不樂外任其折衝果毅有才力者先入為中郎郎將次補郡守其輕也如是武后垂拱二年諸州都督刺史宜准京官帶魚長安四年納言李嶠同平章事唐休璟奏曰切以物議重內官而輕外職凡所出守多因貶累非所以澄風俗安萬民臣請擇材於臺閣省事之中分典

大州共康熙政臣等請輟近侍率先具寮太后乃令書
名採之中者當行於是鳳閣侍郎韋嗣立御史大夫楊
再思二十人中之皆以本宮檢校刺史後二十人中政
績可稱者獨常州刺史薛光謨徐州刺史司馬鍾二人
而已當時復有為員外刺史者不領州務開元中定天
下州府自京都都督及都護府之外以近畿之州同華
岐蒲為四輔鄭陝汴絳懷魏為六雄宋亳滑許汝晉洛
魏衛相十州為十望又有十緊州後入緊者甚多不復
具列及有上中下之差都督刺史品卑者借緋魚按武
德令三萬戶以上為上州永徽令二萬戶以上為上州
開元十八年三月勅太平時久戶口日盛宜以四萬戶
以上為上州二萬五千戶為中州不滿二萬戶為下州
亦有不滿戶口以別勅為上州者六千戶以上為上縣
三千戶以上為中縣不滿二千戶為下縣天寶中通計
天下凡上州一百九州中州二十九州下州一百八十
九州總三百二十七州是也自至德之後州縣凋弊刺

史之任大為精選諸州始各有兵鎮者
刺史皆加團練使故其所責任重矣

臣謹按漢文帝二年初與郡守為銅虎符竹使符至
隋開皇七年又別頒青龍符於東方總管刺史西方
以騶虞南方朱雀北方元武九年又頒木魚符於總
管刺史雌一雄三至十年悉頒木魚於五品以上官
義寧二年罷竹使符頒銀莧符於諸郡唐武德元年
又改銀莧符為銅魚符

總論郡佐

軍 郡丞 別駕 長史 司馬 錄事參
司功 司倉 司戶 司兵 司

法司士 參軍事 經學博士 醫博士
中正 通守 五官掾 督郵 郡尉

郡之佐吏秦漢有丞尉員外以佐守尉典武職後漢諸
郡各置諸曹掾史略如公府曹無東西曹晉宋以來雖
官曹名品互有異同大抵略如漢制北齊上郡太守屬
官合二百一十二人以下郡遞減之隋初以州為郡無
復軍府則州府之職參為郡官故有長史司馬錄事參
軍功戶兵法等七曹開皇三年詔佐官以曹為名者並
改為司十二年諸州司從事為名者並改為參軍又制

刺史二佐每歲暮更入朝上考課煬帝置通守贊治東西曹掾主簿司功倉戶兵法士等書佐各因郡之大小而為增減改行參軍為行書佐唐州府佐吏與隋制同

有別駕長史司馬一人

大都督府有司馬左右二員凡別駕長史司馬通謂之上佐

錄事參軍

京府謂之司錄參軍置二人餘並各為錄事參軍大都督府亦有二人其餘郡止各一人

司功司倉司戶司兵司法司士等六參軍

景龍三年諸州加置司田

開元中省乾元之後又分司戶置參軍一員位在司戶下諸府則曰田曹開元中省乾元之後又分置司戶馬以其廢置不常故田曹不列

在府為曹在州為司

府曰司功曹倉曹大

與上府置二員州置一員

自司功以下
通謂之判司

參軍事各有差

京府參軍事有六員
餘府州或四或三

博士一員醫博士一員凡以州府

大小而為增減

郡丞別駕

郡丞秦置之以佐守漢因而不改晉成帝
咸康七年省諸郡丞唯丹陽丞不省宋文

帝元嘉四年復置齊梁有之至隋開皇三年改別駕治
中為長史司馬至煬帝又罷長史司馬又置贊治者一
人後又改郡贊治為丞位在通守下及郡丞廢其職分
為別駕長史司馬自隋為郡府之官去從事史唐永徽
二年改為長史上元元年復置別駕多以皇族為之神
龍中廢至開元初復置始通用庶姓天寶八年以明皇
由潞州別駕入定內難遂登大位乃廢別駕官至德中
復置諸州府各一人而大都督府不置通判其事以都

督刺史各兼
之共職其事

長史

秦置郡丞其郡當邊戍者丞為長史掌兵馬漢因而不改古今注曰有守相病丞長史司馬行事後

罷邊郡太守丞而長史領丞職其後長史遂為軍府官至隋為郡官唐初無永徽二年有別駕刺史及長史之

名其後二職並置州府各一人五府長史理府事餘通判而已

司馬

本主武之官自魏晉以後刺史多帶將軍開府者則置府寮司馬為軍府之官理軍事至宋司馬銅

印墨綬絳朝服武冠至隋廢州府之任無復司馬而有治中馬治中乃舊州之職也州廢遂為郡官開皇三年改治中為司馬煬帝又改司馬及長史併置贊治一人尋又改贊治為郡丞唐武德初復為治中貞觀二十三年高宗即位遂改諸州治中並為司馬長安元年洛雍并荆楊益六州置左右司馬各一員四年復舊太極元

年又制大都督府各置左右司馬一員

錄事參軍

晉置本為公府官非州郡職也掌總錄衆曹文簿舉彈善惡後代刺史有軍而開府者並

置之自後漢有郡主簿官職與州主簿官同隋初以錄事參軍為郡官則并州郡主簿之職矣煬帝又置主簿唐武德元年復為錄事參軍開元中改京兆尹屬官曰司錄參軍掌府事勾稽省署抄目糾彈部內非違監印給紙筆之事乾元元年加進一品仍升一資又置尹司凡縣令及判司與錄事及州郡別置司功曹參異禮尊也其任

司功參軍

兩漢有功曹史主選署功勞歷代皆同北齊諸州有功曹參軍隋亦然及罷郡置州以曹

為名者皆改曰司功煬帝罷州置郡又改曰司功書佐唐改曰司功參軍開元初京尹屬官及諸州都督府並曰

功曹參軍而列郡則曰司功參軍令掌管園廟祭祀及學校禮樂選舉表疏醫筮考課及喪葬之事也

司倉參軍

兩漢有倉曹史掌倉庫北齊以下並同功曹唐亦掌倉廩庖厨及財物等廛市之價一切

之事

司戶參軍

漢魏以下有戶曹掾主民戶北齊以下與功曹同唐掌戶口籍帳婚嫁田宅并雜徭道路

一切之事

司兵參軍

漢司隸屬官有兵曹從事史蓋有軍事則置之以主兵事至北齊以後同功曹唐掌軍防

烽火驛馬傳送門禁田獵及儀仗之雜事

司法參軍

兩漢有決曹賊曹掾主刑法歷代皆有或謂之賊曹或謂法曹或謂墨曹隋以後與功曹

同唐掌律令定罪
及緝盜賊之事

司士參軍

兩漢無聞北齊以後與功曹同唐
掌管河津營造橋梁及廨宇之事

參軍事

後漢靈帝時陶謙以幽州刺史參司空車騎張
溫軍事晉時軍府乃置官員歷代皆有至隋置

州為郡又有郡官為之書佐唐改為參軍掌直侍督守
無常職有事則出使前代又有行參軍者晉河間王顥
以太宰輔政始置之掌使命歷代
皆有唐唯王府有之餘則無矣

經學博士

漢郡國皆有文學掾後漢光武問功臣曰諸
卿不遭際會自度爵祿何所至平鄧禹曰臣

少嘗學問可充郡文學歷代多闕隋潘徽為州博士唐
府郡置經學博士各一人掌以五經教授學生多寒門
鄙儒為之助
教各有差

醫博士

一人唐開元十一年七月置制每州寫本草百一集驗方與經史同貯其年九月御撰廣濟方

五卷頒行天下自今後諸州府應闕醫博士宜令長史各自訪求選試取人藝業優長堪效者即以具名申聞請行已出身人及有前資官與正授未出身人且令權知四考後州司與正授吏部更不須選集

中正

魏置晉諸中正率一國所推臺閣取信後魏孝明正光元年罷諸郡中正北齊郡縣各皆有之他史

多闕隋初有後罷而有州都唐並無此官每歲貢士於所在之處又符書所闕及鄉飲酒之禮則司功參軍主其事

通守

隋煬帝置郡各一人位次太守京兆府及河南皆謂之內史

五官掾

後漢有之主功曹及諸曹主事後無

督郵

漢有之掌監屬縣各有東西南北中部謂之五部督郵也故督郵功曹之極位

臣謹按漢尹翁歸為河東督郵時太守田延年分河東二十八縣為兩部閼孺部分北翁歸部分南舉法皆得其罪屬縣長吏雖中傷莫有怨者又有孫寶為京兆尹以立秋日用故吏侯文為東部督郵勅之曰今日鷹隼始擊當順天氣取姦惡以成嚴冬之誅

郡尉

京輔屬國都尉附甲卒漢凡郡口二十萬舉一人典兵禁備盜賊景

秦官有郡尉掌佐守典武職

帝更名曰都尉武帝元鼎四年又置三輔都尉各二員
譏出入邊境置農都尉主屯田殖穀又置屬國郡尉主
蠻夷降者中興建武七年省諸郡尉并諸太守每有劇
賊郡臨時置都尉事訖罷又省關都尉唯邊郡往往置
都尉及屬國都尉宋志曰光武省郡尉後往往置東南
西北四部都尉稍有分縣治民比郡安帝以西羗盛三
輔有陵園之守乃復置右扶風都尉於雍京兆虎牙都
尉於長安自後無聞至隋煬帝時別置都尉領兵與郡
不相知又京輔都尉立府
於潼關主兵鎮唐無其制

縣令

周官有縣正各掌其縣之政令而賞罰之春秋時
列國相滅多以其地為縣縣大而郡小故傳云上

大夫受縣下大夫受郡又周書作雒篇曰千里百縣縣
有四郡縣邑之長晉謂之大夫魯衛謂之宰楚謂之公
謂之尹其職一也至于戰國則郡大而縣小矣故甘茂
謂秦武王曰宜陽大縣名曰縣其實郡也漢制列侯所

食縣曰國皇太后公主所食曰邑有蠻夷曰道凡縣萬戶以上為令減萬戶為長侯國為相秩次亦如之皆秦制也漢因之漢書曰凡縣大率方百里民稠則減稀則曠成帝綏和元年長相墨綬哀帝建平二年復黃綬秋冬集課上計於所屬郡國其郡有鹽官鐵官工官都水官者隨事廣狹置令長及丞秩次皆如縣道無分土給均吏後漢凡郡縣出鹽多者置鹽官主鹽稅出鐵多者置鐵官主鼓鑄有工多者置工官主稅物有水池及魚利多者置水官主平水收魚稅所在諸縣均差吏更給之補吏隨事不具縣員晉制大縣令有治績官報以大郡不經宰縣不得入為臺郎宋諸縣令銅印墨綬進賢兩梁冠自晉宋以後令長國相皆如漢制後魏縣置三令長孝文初制縣令能靜一縣刼盜者兼理二縣即食其祿能靜二縣者兼理三縣三年遷為郡守二十石能靜二郡者兼理至三郡亦如之三年遷為刺史太和中次職令其祿甚厚故孝文以北平府長史裴聿中書侍

郎崔亮並清貧欲以俸祿優之乃以亮帶野王令聿帶
溫縣令時人榮之其後令長用人益雜但選勤舊令史
為之而縉紳之流耻居其位北齊制縣為上中下三等
復於每等又有上中下之差自上上縣至下下縣凡九
等然猶因循後魏用人濫雜至於士流耻居之元文遙
遂奏於武成帝請革之乃密令搜揚世胄子弟恐其辭
訴總召集神武門宣旨慰諭而遣自此縣令始以士人
為之隋縣有令有長煬帝以大興長安河南洛陽四縣
令並增正五品諸縣皆以所管閒劇及衝要之處以為
等級唐縣有赤畿望緊上中下七等之差京都所治為
赤縣京之旁邑為畿縣其餘則以戶口多少資地美惡
為差凡六赤八十二畿七十八望百一十一緊四百四
十六上二百九十六中五百五
十四下一千五百七十三縣

總論縣佐

丞

主簿

尉

五百附

漢縣有丞尉及諸曹掾後漢縣諸曹略如郡員又五官
為廷掾監鄉五部春夏為勸農掾秋冬為制度掾晉縣
有主簿功曹廷掾法曹金倉賊曹掾兵曹賊捕掾等員
煬帝改尉為縣正尋改正為戶曹法曹分司以承郡之
六司其京四縣則加置功曹為三司司各二人唐縣有
令而置七司一如郡制丞為副貳如州上佐主簿上轄加錄事參
軍其曹謂之錄事并司尉分理諸曹如州判司錄事省受符
功以下謂之六事七司

歷佐史行其簿書

臣謹按漢縣丞尉及諸曹掾多以本郡人為之三輔則兼用他郡及隋氏革選盡用他郡人又按後漢外黃令牛述禮請爰延為廷掾范甯為功曹濮陽潛為主簿常共言談而已

丞

漢諸縣皆有兼主刑獄囚徒後漢令長國相名置丞一人主文書典倉獄署諸曹掾史凡諸縣丞皆銅印

黃綬進賢一梁冠自晉已後並無丞宋時唯建康府有獄丞及至隋唐則縣各有丞丞各一人兼通判縣事有赤縣各置丞二人

主簿

漢晉各有之他史多闕唐赤縣置二人他縣各一人掌付事勾稽省署抄目糾正縣內非違監印及

給筆
之用

臣謹按主簿自漢以來皆令長自調用至隋始自上
置又按後漢繆彤仕縣為主簿時縣令被章見考吏
皆畏懼自誣而彤獨證據掠考苦毒至乃體生蟲蛆
因轉換五獄踰涉四年令卒以自免又寧陽主簿詣
闕訴其縣令之枉積六七歲不省乃復上書曰臣為
陛下子陛下為臣父臣章百上終不見省臣豈可北
詣單于以告冤乎帝大怒劾以大逆虞詡駁之曰主

簿所訟乃君父之怨百上不達是有司之過

尉

漢諸縣皆有之長安有四尉分為左右部後漢令長國相亦皆有尉大縣二人小縣一人主追捕盜賊按

察姦宄署諸曹掾史邊縣有鄣塞尉掌禁備羗夷犯塞洛陽有四尉東南西北四部曹公為北部尉是也魏因之晉洛陽建康皆置六部尉宋齊梁陳並因之餘縣如漢制諸縣道尉銅邱黃綬朝服武冠江右止單衣介幘北齊郡縣置三尉隋改為正後置尉又分為戶曹法曹唐初因隋制武德中復改為正七年三月復改為尉赤縣置六員他縣各有差分判諸司事上縣二員萬戶以上者又增一員中縣一員四千戶以上者又增置一員亦以上上縣中縣下縣下縣五百都各置五百又韋曜中下縣一員佐史各有差別

五百

宋志曰謂官府州郡

曰五百字本為伍伯伍當也伯道也使之導引當道陌中以驅除也今州縣官有雜職者掌行鞭撻每官出則

執楚導引呵闢
行路殆其職也

鄉官

周禮有鄉師鄉老鄉大夫之職其任大矣

鄉大夫管萬二千五百家

以上次有州長

二千五百家為州

黨正

五百家為黨

族師

百家為族

閭胥

二十

五家為閭

鄙師

五鄙為鄙

鄴長

四里為鄴

里宰

五鄰為里

鄰長

五家為鄰皆不命之士為

之

皆鄉里之官也大凡各掌其鄉黨州里之政治云秦

制十里一亭亭有長十亭一鄉鄉有三老有秩嗇夫游

徼三老掌教化嗇夫職聽訟收賦稅游徼循禁盜賊漢

鄉亭及官皆依秦制也縣大率方百里其人稠則減稀則曠鄉亭亦如之高后元年初置孝悌力田二千石者

一人

特置孝悌力田官以尊其秩欲以勸厲天下令敦行務本

後廢至文帝十二年

又置三老及孝悌力田無常員平帝又置外史閭師後

漢鄉官與漢同有秩郡所置秩百石

鄉戶五千則置有秩

掌一鄉

人其鄉小者縣置嗇夫一人

爰延為鄉嗇夫仁化大行民但聞嗇夫不知郡縣也

皆主知民善惡為役先後知民貧富為賦多少平其差

品三老掌教化凡有孝子順孫貞女義婦推財救患及

學士為民式者皆扁表其門以興善行

又有鄉佐屬鄉主民以收稅賦

亭有亭長

十里一亭五里一郵郵間相去二里半司姦盜亭持二尺板以劾賊索繩以收執賊亭吏

舊民負弩後改為長或為亭負

主禁盜賊

先賢傳曰逢萌為縣亭長時尉行過亭萌候迎謁拜既而

擲盾歎曰大丈夫安能為人役哉遂去之至王莽時逢萌解冠掛於東都門而遁

里有里魁民

可什伍里魁主一里百家什主十家伍主五家以相檢

察民有善惡以告監官晉縣五百戶以上皆置一鄉三

千戶以上置二鄉五千戶以上置三鄉萬戶以上置四

鄉鄉置嗇夫一人縣率百里戶置里吏一人其土廣人

稀聽隨宜置里吏限不得減五十戶千以上置校官
掾一人縣皆置方略吏四人家五家為伍伍長主之二
伍為什什長主之什十為里里魁主之十里為亭亭長
主之十亭為鄉鄉有鄉佐三老有秩嗇夫游徼各一人
所職與秦漢同隋以周齊郡縣職自州都郡正縣正以
下皆州郡將縣令而自調用理時事至開皇初不知時
事直謂之鄉官官別置品皆吏部除受每歲考殿最開
皇十五年罷州縣鄉官唐凡百戶為一里里置正一人

五里為一鄉鄉置耆老一人以耆年平謹者縣補之亦
曰父老貞觀九年每鄉置長一人佐二人至十五年省
太極元年初令老人年九十以上版授下州刺史朱衣
執象笏八十以上版授上州司馬綠衣執木笏天寶七
載詔父老六十版授本縣丞七十以上授縣令三十里
置一驛其非通途大路則曰館驛各有將以州里富彊之家主之
以待行李自至德之後民貧不堪命遂以官司掌馬凡天下水陸驛一千五百八十七處

通志卷五十六